

四庫全書

集部

欽定四庫全書

柳河東集卷四十

唐 柳宗元 撰

祭文哭辭一十五首

祭楊憑詹事文

元和十二年柳州作公集有亡妻弘農楊氏墓誌云貞元十五年卒

此文謂某以通家承德夙奉良姻莫成子姓早喪淑人迨今挈然十有八祀益自貞元十五年已卯至元和十二年丁酉為十八年也據憑傳元和四年為京兆尹以御史中丞李夷簡素與憑有隙乃劾奏其贓罪及不法事天子以憑自尹京兆人頗懷之遂詔出守賀州臨賀尉公謂

京兆之難下多怨怒  
顛沛三載蓋謂此耳

年月子壻謹以清酌庶羞之奠昭祭於丈人之靈卿雲

輪囷天漢昭回

西京雜記慶雲或曰卿雲  
詩倬彼雲漢為章于天

自然物外寧

雜塵埃公稟間氣

間居  
莧切

心靈洞開翱翔自得誰屑羣猜

孝友忠信聞於九垓擣華發藻

擣抽知切又音  
離說文張也

其動如

雷世榮甲科亦務顯處公之俊德有而不顧御史之選

朝之所注公勤於養投効引去時任方隅威刑是務公

施其惠亦莫有還

五故切  
與迂同

京兆之難下多怨怒或由以

黜瓦石盈路公捍其強仁及童孺左遷而出擁道牽慕  
道峻多謗德優見憎煩言既詆倚法斯繩南過九疑東  
逾秣陵顛沛三載天書乃徵入傳王國嘉聲聿興詹事

東宮致政是膺年唯始至道則彌勵頡頏今古

頡頏結切頡音

抗人音岡飛而上曰頡飛而下曰頡

優游德藝寔期濬發再光文陛誰謂

昊天遽茲降厲嗚呼哀哉某以通家承德夙奉良姻莫  
成子姓早喪淑人恩禮斯重眷撫惟新綢繆其志寔敬  
寔勤迨今挈然十有八祀家缺主婦身遷萬里謗言未

明黜伏逾紀德輝間絕音塵莫俟歲首發函視遠如邇

雖當沉痾心術猶治撫膺頓首流泣瞪視

瞪澄應切直視貌

既

斂而還莫傳音旨嚮風長慟於茲已矣嗚呼哀哉承訃

之始卜兆既逾載馳斯文出拜路隅哀從海濱

視裔禮切

致皇都寸誠相續終歲不渝天道悠遠人世多虞寄心  
雙表長恨因拘嗚呼哀哉

祭穆質給事文

一作祭穆撫州文據傳質舉賢良

與楊憑善出為開州刺史卒然此文謂黜刺南方義言盈口又云王命南下郡符東剖留滯湮

淪鐵此遐壽必是自開穆撫未行而卒也公謂  
欲邇海風以窮洛溪文蓋柳州作豈質元和十  
二三年間方自開遷撫故耶所謂公之伯仲信  
為先執蓋穆贊穆質穆員穆賞皆見于先友碑

陰記  
云

昭祭於給事五丈之靈自古直道鮮不顛危禍之重輕  
則繫盛衰矯矯明靈克丁聖時形軀獲宥三黜無虧賢  
良發策始振其儀天子動容敬我直辭載之冊府命以  
諫司抗姦替否與正為期奏書百上知無不為誰謂劉  
賈英風莫追給事黃門奉職樞機封還付外動獲其宜

無曠爾位惟公在斯達道之行寔惟交友患難相死其  
廢自久公寔毅然誓均悔咎挺身立氣不改其守黜刺  
南荒義言盈口封章致命志期隕首邈矣高標誰嗣於  
後王命南下郡符東剖留滯湮淪殲比遐壽嗚呼哀哉  
公之伯仲信為先軌感激之風道同義立中司守直姦  
權是襲致之徽纆音墨索也易誣以賄入瑣瑣其徒榜  
訊愈急榜音彭咎擊也瑣瑣其徒謂楊琰胡珣韋顗用意推鞠之詔下三司議於洛  
邑噫我先君邦憲是輯平反羣枉大忤三搢危法旋加

譖言俄及左宦夔國義夫掩泣邪臣既黜乃進其級端

於庶寮直聲允集虔虔小子夙奉遺則公在郎位再罹

擯抑

擯必从切斥也

時忝憲司竊分枉直抗辭犯長有志無力

惟韓洎劉同憤霑臆

謂韓泰劉禹錫也

道之不行銜媿罔極公

在左掖議登秋官先定於志將發其難決白無狀以申

禍端秉心撰詞義不可干會逢友累曾莫自安感於褚

中有涕汎濫

褚展呂切絮裝衣也

嗚呼哀哉壽宮久翳狼荒萬里

禮不可違誠不可弭抽哀洩忿舒文致美願遡海風



以窮洛涘清明如在神鑒何已嗚呼格思以慰勤止

祭呂衡州溫文

作之年月具本篇溫之生平公嘗為衡州刺史東平呂君誄極所稱

道蓋不獨於此文見之也

維元和六年歲次辛卯九月癸巳朔某日友人守永州司馬員外置同正員柳宗元謹遣書吏同曹家人襄兒奉清酌庶羞之奠敬祭於呂八兄化光之靈嗚呼天乎君子何厲天寔仇之生人何罪天寔讎之聰明正直行為君子天則必速其死道德仁義志存生人天則必天

其身吾固知蒼蒼之無信莫莫之無神今於化光之歿  
怨逾深而毒逾甚故復呼天以云云天乎痛哉堯舜之  
道至大以簡仲尼之文至幽以默千載紛爭或失或得  
倬乎吾兄獨取其直貫於化始與道咸極推而下之法  
度不忒旁而肆之中和允塞道大藝備斯為全德而官  
止刺一州年不逾四十佐王之志沒而不立豈非修正  
直以召災好仁義以速咎者耶宗元幼雖好學晚未聞  
道洎乎獲友君子乃知適於中庸削去邪雜顯陳直正

而為道不謬兄寔使然嗚呼積乎中不必施於外裕乎  
古不必諧於今二事相期從古至少至於化光最為太  
甚理行第一尚非所長文章過人畧而不有夙志所蓄  
巍然可知貪愚皆貴險很皆老則化光之天厄反不榮  
歟所慟者志不得行功不得施蚩蚩之民不被化光之  
德庸庸之俗不知化光之心斯言一出內若焚裂海內  
甚廣知音幾人自友朋彫喪志業殆絕唯望化光神  
其宏畧震耀昌大興行於時使斯人知我所立今復往

矣吾道息矣雖其存者志亦死矣臨江大哭萬事已矣  
窮天之英貫古之識一朝去此終復何適嗚呼化光今  
復何為乎止乎行乎昧乎明乎豈蕩而為太空與化無  
窮乎將結而為光耀以助臨照乎豈為雨為露以澤下  
土乎將為雷為霆以泄怨怒乎豈為鳳為麟為景星為  
卿雲以寓其神乎將為金為錫為圭為璧以栖其魄乎  
豈復為賢人以續其志乎將奮為明神以遂其義乎不  
然是昭昭者其得已乎其不得已乎抑有知乎其無知

乎彼且有知其可使吾知之乎幽明茫然一慟腸絕嗚呼化光庶或聽之

祭李中丞文

中丞名字未詳文謂始終七載不忘祇勤當是貞元十四年已拜御史中

丞也作之年月具本篇

維貞元二十年歲次甲申五月某朔二十二日故吏儒林郎守侍御史王播將仕郎守殿中侍御史穆質奉議郎行殿中侍御史馮邈承奉郎守監察御史韓泰宣德郎行監察御史范傳正文林郎守監察御史劉禹錫承

務郎監察御史裏行柳宗元承務郎監察御史裏行李  
程等謹以清酌之奠致敬於故中丞贈刑部侍郎李公  
之靈惟公堅貞守道潔廉成德當官秉彝卓爾孤直高  
節外峻純誠內植臨事不回執心無惑矯矯峻節擢於  
天枝式是邦族榮其羽儀發跡內史參其軍事自下廟  
上直詞屢至于後受邑歷撫疲人公去逾久人滋咏呻  
復從京邑辟署司錄振其綱條端我甸服黜吏屏氣貪  
官室懋赫赫有命登於王庭邦賦以修國用是經寔抗

其長以奉准程校其簿書無失奇贏

奇音羈與畸同說文殘田也羸音盈

說文有餘賈利也

進為正郎勾會是專

會古外切總合也

乃刺於商虎

節登山化壻為沃

周官小行人建天子之六節山國用虎節壻音籍薄土也

致夷於

艱道途謳歌有詔徵還丞我御史執其憲矩糾逖之志

逖音

直清是舉慎擇寮吏必薪之楚終始七載不忘祇

勤事無觀瞻道有屈伸皂囊密啟

見上屢皂其囊注

忠懇屢陳

令望逾重名卿是屬拖紳遽聞

拖徒我切論語疾君視之東首加朝服拖紳

卷衣已復

復招魂復魂也朝服大夫以玄纁世婦以禮衣士爵弁士妻以稅衣皆升自東榮中屋履

危北面三號  
卷衣投于前

禮備贈賄恩加命服窀穸有時

窀穸倫切  
窀音夕

歲月逾感播等猥備官屬况當薦延承其規模奉以周

旋近或逾月遠則累年咸承至公官守獲全故事盡在

遺風藹然俯仰庭際顧慕潺湲

潺湲鉏山切  
湲胡鰥切

致誠一觴拜

訣堂筵嗚呼哀哉

為韋京兆祭杜河中文

杜河中確也德宗貞元十四年九月以太常卿為同

州刺史十五年十二月自同州為河中尹河中  
絳州節度使十八年三月以河中尹行軍司馬

鄭元代之夏卿之為京兆尹在十七年十二月  
而十九年三月李寔已為京兆則杜公之死當



在十八年矣  
文是時作

維年月日甲子京兆尹韋夏卿謹以清酌之奠致敬于

故河中節度贈禮部尚書杜公之靈自古謀帥恒在諸

儒晉登却縠亦以詩書

左傳僖公二十七年晉作三軍謀元帥趙衰曰卻縠可臣亟聞

其言矣說禮樂而敦詩書

爰及近代二柄殊途授鉞之臣率由武夫

時惟明靈道冠學徒天子有命總其戎車何以邦之維

絳及蒲有山有河殿此大都焜耀昌時

焜音混耀音耀

振宣

後學命服之盛光於列岳謂保豐福永縻王爵壽如何

期神不可度嗚呼哀哉大歷之歲詔徵茂才時忝同道

一作利

俱起草萊懷策既陳綸言煥開考第居甲自天昭

回分命邦畿步武獲陪同志為友星霜屢廻長我十年  
禮宜兄事周遊歡洽莫不如志於後多幸謬列周行又  
同制書並命文昌及余稍遷吏部為郎公屬中兵此焉  
分行再獲聯事東西相望

音忘

出處同道樂惟其常後余

出刺九載南服公自左輔遂膺推轂我勤魏闕爰總九  
流誰謂河廣願言莫由烹魚之問往復相躊

音酬

惠好斯

厚惟以綢繆

綢音由切繆莫彪切

余弟宗卿獲庇仁宇命佐廉問

忘其愚魯假以羽翼俾之騫翥

騫章恕切飛舉也

惠文我我

惠文

冠也漢張敞傳秦時獄法吏冠柱後惠文

赤紱在股榮映斯極從容何補承

慶唯深報恩無所嗚呼哀哉天子震悼哀我良臣密

印追贈尚書禮殷四方興嗟況此故人循念平昔徘徊

悲辛卜葬斯及禮儀畢陳敬薦行潦洩哀茲辰嗚呼哀

哉

為韋京兆祭太常崔少卿文

崔少卿考之史傳未詳惟撫諸表系有崔

隱甫之孫溉者一人為太常少卿當即此也文  
謂夙歲同道從容洛師又云洛中十人談者榮  
之惟鄭洎齊各登鼎司據夏卿傳始在東都傾  
心辟士頗得才彥其後多至卿相世謂之知人  
其以此耶貞  
元十八年作

維年月日甲子京兆尹韋夏卿謹以清酌庶羞之奠敬  
祭於亡友故太常少卿崔公之靈惟靈率是良志蹈其  
吉德炳蔚文彩周流學殖孔氏之訓專其傳釋黃老之  
言探乎幽蹟六書奧秘是究是索叩爾玄關保其真宅  
藝成行備披雲騁跡康莊未窮

康莊道路也說文五達謂之康六達謂之莊

濛汜已極

楚辭天問出自湯谷次于濛汜注云汜水涯也言日出東方湯谷之中暮入西極濛汜之水

也涯嗚呼哀哉夙歲同道從容洛師接袂交襟以遨以嬉

策駕嵩少

嵩山少室山在河南府登封縣沂舟灋伊灋水伊水在河南府河南縣皆本洛

州笑咏周星其樂熙熙丹霄可望青雲可期洛中十友

談者榮之惟鄭洎齊各登鼎司或喪或存山川是違緊

我夫子宜相清時命之不遐孰不悽悲嗚呼哀哉往佐

居守及爾同寮笑遨交歡匪夕則朝入同其室出聯其

鑣悲嬌切說文馬銜也

投文報章既歌且謔及我為郎優游吏部

公為御史持憲天路文陞徐趨眷戀相顧歡愛之分有加  
於素自我于邁歷刺東吳離憂十年復會名都余為侍郎  
銓總攸居實得茂彥奉其規模聯事合情又倍其初我尹  
京兆君亞奉常步武相望佩玉以鉶謂保愉樂長此翱翔  
抱疾幾何忽焉其亡嗚呼痛哉原念往昔愛均骨肉我有  
書笥盈君尺牘寤言在耳古今何速失涕興哀匍匐往哭  
撫筵一呼心焉摧剝音木切日月逾邁佳城遽卜素車千里

逶迤山谷

逶迤於危切  
音移委曲也

晦爾精靈藏之斧屋

禮記孔子之喪  
有自燕來觀者

子夏曰聖人之墓人與人之墓聖人也子何觀焉昔者夫子言之曰吾見封之若堂者矣見若坊者矣見若覆夏屋者矣見若斧者矣注云覆謂茨瓦也夏屋今之門廡也其形旁廣而卑斧形旁殺刃上而長

嗚呼哀哉丹旌即路祖奠在庭去此昭昭就爾冥冥敬陳澗酌以告明靈臨觴永慟庶寫哀誠嗚呼哀哉伏惟尚饗

為李京兆祭楊凝郎中文

李京兆寔也貞元十九年四月公時為藍田尉作

維貞元十九年歲次癸未四月辛未朔某日檢校工部尚書京兆尹司農卿李寔謹以清酌庶羞之奠敬祭於故兵部郎中楊公之靈惟靈清標霜潔馨德蘭薰沖和

茂著孝友彰聞濬發洪緒激揚清芬思侔德祖學紹子  
雲瑩彼靈府裊其英文吐論冠時舒華軼羣百氏之與  
一言可分旁貫釋老豈伊典墳謂躡公相躡尼贊揚聖

君高山安仰逝水沄沄嗚呼哀哉惟是伯仲並為士則  
連擢首科迭居顯職公之懿美發自朋僚播于四方令

問克昭炯然獨識卓爾孤標翼翼其容羽儀清朝載筆  
東掖動無不紀起草南宮時論增美大梁有艱天子是  
使密勿之謀唯道是履復歸一云歸服郎署職茲中兵簡稽



無撓以考其成英風未攄沉痾遽嬰孰云積善降以促  
齡昔歲江表獲同宴語謬為好仁不我遐阻公之元兄  
復惠德音優游多暇眷盼逾深情言盈耳尺素相尋冀  
茲競爽焜耀儒林及此凋落祇摧我心嗚呼哀哉遣車  
就引遣詰戰切見戶部郎中魏府君墓誌銘注哀挽先路迅風淒悲頽景幽  
暮傾都殄瘁揮涕相顧矧茲故人誰任痛慕潢汙一觴  
詎寫平素尚饗

為安南楊侍御祭張都護文

楊侍御未詳其名或即楊憑之弟凌然唐

史雖謂浚終於侍御史而先友記云浚以大理評事卒則與史所載異矣豈憑別一從父弟為侍御史故史云凌耶張都護公嘗為之誌所載與此皆合今悉隨文附之

維年月日故吏某職官某敬祭於故都護御史中丞張公之靈交州之大南極天際禹績無施強秦莫制或賓或叛越自漢世聖唐宣風初鮮寧歲稍臣卉服漸化推髻卒為華人流我愷悌士變之理惟公克繼

士變晉范  
大子也此

謂安南都護  
府治交趾云勤勞遠圖敷贊嘉惠銅柱南表前功載修謂公復銅柱為正  
制也事詳見誌注空道北出式遏蠻陬梯航連連旌旆

悠悠輻湊都會

輻音福湊千候切說文會也

皇威以流方荷天寵宜

公宜侯聲馳帝鄉魄降炎州嗚呼哀哉公昔試吏時推

清能

謂公為蘄州蘄春主簿時也

公昔乘輅人知準繩鯁鯀以安征

賦用登

謂公以左領軍衛兵曹為安南經畧巡管也

柱史稍遷郎曹繼昇

謂公

檢校尚書禮部員外郎也

程功佐理海裔斯澄

謂公為安南副都護也

乃紀南

方專任是憑

謂公遷檢校太子右庶子兼安南都護兼御史中丞充本管經畧招討處置等使也

禮分五玉

書修五禮五玉注云修吉凶賓軍嘉之禮五等諸侯執其玉

恩錫百朋

詩錫

我百朋箋云古者貨貝五貝為朋百朋言得祿之多也

開府辟掾羣英攸屬顧茲陋

微敢廁甄錄既受筐篚載加命服賜有楚冠用慙豸角

應劭漢官儀曰獬豸獸主觸不直故  
執憲者以其角形為冠豸大蟹切

星言赴命注望帷

幄視險如夷瞻程非邈伯氏左官爰滯中途流連隱憂

言念涕濡子姓莫在使命頓殊

命一作令

兢魂弔影敢廢斯

須情留江徼

音斗

夢結天隅恩切有裕義乖從役顧慕長

慟展轉增惕膺力猶在中腸屢激方俟銷憂永期投跡

謙德不福法星降灾庭懸遽徹

禮記大夫無故不徹懸  
注云懸樂器鐘磬之屬

正義曰無灾變  
則不去樂也

駟訃爰來

駟音日

撫躬益恨循顧增哀瞻

容莫及報德何階輶車北轅

輶音齒喪車也

申奠克諧望拜徒

至音塵永乖南州斗酒庶寫幽懷

祭萬年裴令文

萬年令裴瑾也公嘗為瑾墓碣云元和十二年七月卒文必是時作

又云後夫人柳氏即此所謂追惟淑德嫡子君室者也

惟靈孝友之性寔惟天與飾以儒書洽其譽處枵然不

量

枵虛嬌切虛大貌

廓爾其字人以義來我以身許褰裳赴急

不避寒暑交半域中多容鮮拒賢於博奕媚茲讌語或

泛或沉兩得其所考禮成文墜章克舉

謂公撰二陵集禮也

展樂

承職音官式序既聯奏復亦圖筭箴播在奉常永傳儀

矩

謂公為太常主簿集樂事作坐立二部伎圖也

脫畧細謹傲忽煩言坦然自

居無顧仇怨卒成官謗莫究禍源坐黜中徙再期騰騫

孰云蓄憤遽此歸魂

謂公為萬年令為金川猾吏所誣奏再謫道循二州佐掾會赦量移

吉州長史而卒也

嗚呼哀哉世稱姻黨鮮克終吉唯我與君久

而逾密追惟淑德嬪於君室上順尊卑下歡儔匹致其

孝敬式是仁恤爰及童孩處心勿失君之仲季茂於文

術游藝相從操觚散帙顧余蹇劣厠跡奔逸二紀於今

情交若一屢聞凋缺互見遷黜契闊伶俜分形間質方  
期末路稍追曩日時不我謀於焉斯畢營營衛尉獨守  
邦秩想其永哀淮海蕭瑟嗚呼哀哉聞疾馳簡其命未  
返翩其訃書來自番禺番禺音潘禺魚容切番禺二山名在南  
海今廣州與循為近故云  
塊守窮荒山夔與居山夔獸名也如龍而一足有眉不伸有志不舒  
况逢零悴當此囚拘拊膺長慟長慟何如菲禮無取沉  
哀有餘嗚呼哀哉

祭呂敬叔文

呂敬叔恭也公嘗為呂侍御恭墓誌卒以元和八年六月年止三十有七

此公所以重惜之也其曰惟子之兄志同義比官刺一州四十而死蓋言呂衡州溫云

維年月日朔友人從內兄守永州司馬員外置同正員

柳宗元謹以酒肉之奠致祭於亡友呂敬叔之魂嗚呼

鞠躬歷聘或以不答

謂孔子也

屠魚乖離夫何克合

謂呂尚也

大

或不容小或見遺往來逢迎今古參差惟子之中忠勇

充之以誠與物退受其疵智謀宏長辯論恢奇巖嵒博

大

巖一作巍

與世異資何付之器而躋於時

躋知利也

嘗曰余

武王功是期誓耆其力

耆渠伊切詩者定爾功

以達皇威邊鄙不



靖俾供輿師諸侯順道我貊咸宜今其沒矣哀志之達  
知之無補世又罕知嗚呼哀哉昔與子游尚疑其志及  
觀其長誠任其事日異其能歲增其智進如川行浩浩  
而遂天乎有亡中道是棄余慎取友惟心之度周遊人  
間餘二十年擯辱非恥升揚非賢一貫於道無四五焉  
子之知我不以事遷言而見信貌阻心傳我黜終世子  
夫於前徒稱子志誰信我言與子俱已孰云後先惟子  
之兄志同義比官刺一州四十而死子仕方初百年有

幾如何默默去我遄已

遄薄公切說文往來數也

有穉之妻有弱之

子海孺東周

孺而先切

號哭萬里葬紼之行獲出於此

紼大及切

與紼同說文牛系也周禮封人置其紼公時在永呂殯廣州其孤爽等以其柩如洛陽祔葬于大墓故云獲出

于此也

爰陳酒肉式嘉且旨讀茲哀辭以奠而誄嗚呼敬

叔吾道已矣尚饗

祭崔君敏文

崔君敏即朝散大夫永州刺史崔公也公嘗為之誌所載甚詳元和五年

九月在永州卒文益是時作

夫產崑崙者難為玉植鄧林者難為木公以令望顯於

華族藝邃六書

周官保氏掌教國子以六藝五曰六書注象形會意轉注處事假借諧聲也

學該十錄耽此黃老

耽都舍切

恬於寵辱入補黑衣

謂公以千牛備

身佐環衛也戰國策左師觸龍言於趙太后曰老臣賤息舒祺最少不肖願令得補黑衣之數以衛王宮出參

甸服

謂公為藍屋三原藍田尉也

紀綱淮海政令惟肅

謂公為揚州錄事參軍也

宰

制岳濱周於仁育

謂公為許州臨潁汝州龍興令也

儲闡典議直清攸

屬

謂公為太子司議郎也

久次推能二州繼收

謂公為歸州刺史遷永州也

至

於是州率由舊俗和易勿亟優游自足既有少吏勤於

庶獄妖誣殄除淫祠翦覆

謂公擒戮妖帥毀君蒿淫昏者十餘室也事詳見誌

出

令三歲人無怨讟進律未行歸神何速其咸以罪戾謫

茲炎方公垂惠和枯槁以光鳴鑒適野泛鷁沿湘

鷁倪歷切

廣筵命樂華燭飛觴高歌屢舞終以無荒紛慮斯併憂  
懷暫忘良時不再斯樂難常今其奈何顧慕感傷嗚呼  
室有迭去川無息流追懷曩辰恍若夢遊奠徹中寢魂  
遷乘舟邦人永思匍匐隱憂況我懷德心焉若抽潔誠  
可鑒蘋藻非羞

祭段弘古文

段弘古公嘗為之誌此本不載已別列之外集觀其以直遊諸公間而卒

不克用惜哉元和九年卒於桂州永州刺史崔公能以公及劉禹錫之薦知之及致其喪來永為具費歸葬於澧公之文當其喪之過永而祭之也

世病乎直人悅其和行而不容雖聖奈何提其信義誰

與同波硜硜以終

硜丘耕切

堅不可磨

論語不曰堅乎磨而不磷

游得其

仁友擇其益始於可進終會於厄精誠介然將貫金石

追思懷舊興詞憤激君昔來辱備聞嘉言宵會北堂晝

宴南軒去適於越不日其旋載除我居望爾北轅今者

之來丹旒有翩閔茲英志限此中年嗚呼哀哉君寔斯

貧有子而幼孰云履信惟天所祐道途之費敢廢於舊  
志君之行銘石斯授有潔其觴有楚其豆庶鑒於誠臨  
茲饗侑

哭張後餘辭

作之年月未詳惟辭謂既得進士明年  
疽發髀卒當在京師時作也附次

貞元十  
八年文

後餘常山張氏孝其家忠其友為經術甚邃而文少余  
七年頗弟畜之與之居終日冲然忘其有人與之言鏗  
然而厲

鏗丘耕切

辯而歸乎中凡人有道而不顯於世則曰

非其世也

一無則曰字

道而得乎世然而

一作猶

不顯則曰命

命之微不可知知而索乎外者曰性與貌後餘之性可

謂良矣其貌可謂肅矣博實宏裕宜為大官者老求其

所以天賤無可得焉既得進士明年疽發髀卒

疽子余切髀音

陞後餘之死人咸痛之曰天之佑善人而殺是子何也

激者曰天之殺恒在善人而佑不肖莊周之說以為人之君子天之小人張君豈天所謂小人者耶是二者又非論之適也吾謂善與惡天與壽貴與賤異道而出者

也無取喜怒於其中道之出者多其合焉者固少是以君子之難貴且壽也後餘母老而喪良子東西行者助之哭焉況其知者耶然後餘不與諂冒者同貴不與悖亂者同壽歸潔乎身聞道而死雖勿哭焉可也嗚呼向更使既聞道而且貴且壽則其顯庸也遠矣又烏能勿痛乎遂哭之以辭

嗟嗟張君善不必壽惟道之聞一日為老人皆反是百稔猶幼子之優游是亦黃耆嗟嗟張君寵不必貴尊嚴



為人早服高位淫諛肆慾銀艾淪棄子之崇高無媿三  
事吾見皤皤而童

皤音婆老  
人白也

赫赫而辱進襦袴于几杖

負泥塗于冕服已雖有餘人視不足子之跡不混乎其  
間者幸也宜賀而弔宜歌而哭吾其過乎與其寵而加  
貴善而加壽道施于人慶及其母從容邦家樂我朋友  
豈不光裕顯大歟而不克也則弔而哭者其無過乎嗚  
呼

祭李中明文

公嘗答韋中立書云來南六七年二年  
冬幸大雪文謂水之綿綿山萬層兮

又云淫以雨雪紆委頓  
殯兮此必在永時作也

致祭於亡友中明之靈夫子之道邈以恒兮夫子之志  
勵以兢兮求中慊末若履冰兮敦仁以孝寔烝烝兮唯

毀死虧禮其他莫懲兮

一云誰毀無虧禮莫徵兮

秉端守一信厥明

兮月踰歲長行若登兮外溫其顏內類直繩兮謾言來

加不遽陵兮舉世羣非自視弘兮庶優游於道大賚是

承兮掩冤舒抑與類升兮胡茫茫其不信卒以禍仍兮

豈韜忠衷信鬼所憎兮

衷一作裏衷信一作履誼一作履信

將教言吾欺

終不可徵兮吾方期子於暮冀有興兮今而棄余志若

崩兮若將援而上喪厥肱兮但其殞心交背膺兮水之

綿綿山萬層兮又淫以雨雪紆委礪礪兮礪期矜切礪士冰切又音

增石貌鴟鵂夜啼羣暝凝兮鴟音鴟鵂音休魂鬼以行中道殘殤兮

殘音陵殤音魑魅撫呵曷可憑兮魑抽知切魅音媚聊致吾慎

斯言孰稱兮

楊氏子承之哀辭 并序

考之表系楊憑之子姪皆以之字為名曰渾之

曰後之曰敬之是也獨不詳承之所自然必憑之姪蓋詞謂世父孔悲兮湘水滔滔世父伯父也據水

經馮水出臨賀下注湘水此必  
元和四五年間憑謫臨賀時作

楊氏子承之既冠有成人之道其明年四月不幸而夭  
其外姻解人柳宗元為之慟且出涕噫是子也氣淳以  
愿志專以勤確然而直方吾未知其止也作辭賦書論  
其言甚偉余方愛之謂可以為器者故不知慟且出涕  
況其親戚者乎凡天之生物也不類精粗紛厖一作亂賢  
愚混同或遠而合或親而殊然則雖人親戚亦將有不  
克知其美者若楊氏子者其親戚皆賢戚得知之者也

欽定四庫全書

柳河東集  
卷四十

使知之徒以增其悲愁怨號之聲無為也用是為之辭  
以相其哀焉

葆醇熙兮承貞則懿文章兮好循直誠耿介兮又綽寬  
學之勤兮行彌專質圭璋兮文虎豹超凌厲兮馳聖道  
力未具兮志求通道之遠兮足先窮有母噉噉兮有弟


哀號

噉音叫

世父孔悲兮湘水滔滔去昭曠兮沉幽冥魂

冥冥兮竟難託死者靜兮生者愁子之淑兮徒增憂志  
甚良兮命甚盛子之生兮又何欲悲吾耳兮動吾神誰

使子兮淑且仁嗚呼已乎不可追終怨苦兮獨何為



欽定四庫全書

卷四十

柳河東集卷四十

欽定四庫全書

集部  
柳河東集卷四十一

詳校官內閣學士臣瑞保

檢討臣何思鈞覆勘

總校官進士臣朱 鈐

校對官編修臣吳舒帷

謄錄監生臣陳文斗



欽定四庫全書

柳河東集卷四十一

唐柳宗元撰

祭文十五首

舜廟祈晴文

按史舜葬於九疑實惟零陵零陵永州治也文謂勤事南巡祀典以躋此

馬告終宜福遺黎此必在永代其州刺史作其時日則不可得而考

年月日某官某敢用牲牢之奠昭祭於虞帝之神帝入  
大麓雷雨不迷帝在璿璣七政以齊九澤既陂錫禹玄

圭至德神化後王與稽勤事南巡祀典以躋此焉告終

宜福遺黎廟貌如在精誠不睽今陽德僊候有渰淒淒

降是水潦混為塗泥岸有善崩流或斷堤泛濫疇壠坡

陀圃畦

唐何切

恒雨獲戾循咎增悽忍茲嘉生均彼蓬藜

敢望誅黑蛟

音戾淮南子曰黑蛟神此潛泉中而居天將雨則踞

扶陰虬

扶音秩擊也春

秋元命包云虹蜺者陰陽之精又月令章句云陰陽不和即生此氣虹見有青赤色常依陰雲而晝見於日衝

式乾后土以廓天倪染威不害餘糧可棲或簸或洩為

酒為醢鎗鎗笙鏞坎坎鼓鞀百代祀德眊心不攜豈獨

蘋藻徵諸澗溪帝其聽之無作神羞

雷塘禱雨文

元和十年作或載之韓文公集非是蓋公嘗志其從父弟宗直之殯謂元

和十年召為柳州七月南來宗直嘗從謁雨雷塘則此文為公之作蓋非文公之文明也

惟神之居為坎為雷專此二象

一作狀

宅于巖隈風馬

一作

輶雷車肅焉

一作然

徘徊能澤

一作宅

地產以祛

一作扶

人災

欽茲有靈爰以廟饗

一作享

神惟智知

一作為致敬

我

一作敬

以

誠往苟失其應人將

一作神

安仰歲既旱暵

音旱又音漢乾也

害

茲生長敢用昭告期于肝蠶

肝黑乙切又許訖切說文蠶布也蠶音響

某自

朝

一作從

受命臨茲裔壤莅政方初

一作方

庶無淫枉潔廉

自持忠信是

一作猶

仗苟有獲戾神其可罔

一作調

擢擢嘉

生惟天之養豈使梁盛夷於草莽騰波通氣出地奮響

欽若成

一作神

功惟神是獎

祭肅文

肅音導又音毒以旄牛尾為之在左駢馬首故文謂禮有大特化為巨梓秦人憑神

乃建茸頭正謂此也元和十四年代裴中丞行立討黃賊時作

維年月日某官以牲牢之奠祭于肅神惟昔禮有大特

化為巨梓秦人憑神乃建茸頭是為兵主用以行師

史記

秦襄公二十七年伐南山大梓豐大特徐廣曰今武都故道有怒特祠園大牛上生樹木有牛從木中出後見

於豐水之中

漢宗蚩尤亦作靈旗

漢高祖立為沛公祠黃帝祭蚩尤於沛庭而鑿鼓旗

幟皆赤應劭曰蚩尤古天子好五兵故祠祭之求福祥也

既類既禡指于有罪

禡音罵類

禡皆師祭也

北面詔盟抗侯以射雖有古典今棄不用惟茲

之制神實守祀有蠢黃孽保固虐人俾茲太平猶用戎

律天子有命施威于下惟守臣某董正撫師秉羽先力

出用茲日敢修外事爰薦求牛庶無留行以殄有罪國

有祀典屬於神明傷夷大命無敢私顧惟克勝敵以全

天兵去茲蝨蠭

上音矛下音賊並食苗虫

達我涵育收厥隸圉役于

校人海隅黎獻永底于理無或頓刃以為神恥急急如

律令

禡牙文

周官典瑞掌牙璋以起軍旅以治兵守注云牙璋瑑以為牙牙齒兵象故以牙璋發

兵又兵書曰牙旗者將軍之精凡始豎牙必以剛日剛日者謂上剋也兵牙之日吉氣來應天

勝之徵與前文同時作

維年月日某官某以清酌少牢之奠禡于軍牙之神秦

定百越

秦始皇并天下分為三十六郡平百粵又置閩中南海桂林象郡四郡粵與越同

漢開

九郡

漢地理志黃帝畫野分州堯遭洪水分絕為十二州禹制九州周克商改禹徐梁二州合之於雍青

分冀州之地為幽并漢興至武帝攘却胡越開地斥境南置交趾北置朔方之州兼徐梁幽并夏周之制改雍

曰涼改梁曰益凡十三部置刺史

自茲編列同于諸華天寶兆亂北方

荐役惟是南方久稽討伐藩蠻怙險乳字生聚悖傲威

命虐夷齊人黃姓陋孽

魚列切

實恣盜暴僮壯殺老掠嫠

使臣

寇音奪

梟視洞窟以逃大戮今皇帝受天景命敷于

有仁凡百凶毒罔不震伐齊魯

一作青

誼殄趙魏顯化溥

天之下咸順帝理唯是瑣眇尚恣昏頑致天震怒命底

于罰官臣某欽率邦典統戎于征惟爾有神懋揚迺職

敢告無縱詭類無劉我徒

劉音流釋云剋也殺也

鍤刃鋒鏑畢集

于兇躬鎧甲干盾

鎧口代切甲也

咸完于義軀焚煬蕩沃往如

行虛俾人懷于安以靖離之隅

離南方之卦也

在是舉也往欽

哉無作神羞急急如律令

祭井文

公集有井銘在元和十一年三月此文同時作

致祭于水土之神惟神蓄是立德演為人用不窮之養

功齊乳湏

覩勇切又多貢切乳汁也

惟古有制八家所共是邦闕焉



官守斯恐蘊利滋久閔靈則深爰告有神惟惻我心卜  
茲利兆于彼城陰神斯有仁是鑒是臨惟昔善崩今則  
堅好惟昔逋一作石今則順道終古所無聿從心禱非  
神是與人力焉保發自玄冥成于富媪克長厥靈不愛  
其實敬修報禮式薦蘋藻

### 榮門文

周禮鬯人之職榮門用鬯齊注云榮謂營  
邨所祭門國門也春秋傳曰日月星辰之

神則雪霜風雨之不時于是乎榮之山川之神  
則水旱厲疫之不時于是乎榮之禮記曰雩榮  
祭水旱也據文云榮于城門之神又云淫雨斯  
降害于麴麥豈次前篇在柳州作歟榮音詠

縈于城門之神惟神配陰含德司其翕闢能收水沴以  
佑成績淫雨斯降害于麴麥野夫興憂官守增惕諸陰  
既閑休徵未獲敬用瓢齋瓢婢遙切齋音齊謂取  
甘瓢割去祗以齊為尊以展  
周索納其雲氣復我川澤惟神是依式佇來格

叔父祭六伯母文

公之叔父有四  
練居其次焉

維貞元十七年歲次辛巳二月癸巳朔二十五日丁巳  
姪男華州華陰縣主簿纁謹以清酌庶羞之奠敬祭于  
六伯母之靈伏惟天錫壽考神資淑德高明而和柔惠

且直敬長慈幼宗姻仰則不偕貴位孰不悽惻嗚呼哀  
哉移天夙喪丁此閔凶主器繼天莫承于宗懿彼賢女  
孝誠自中溫溫良人竟揚德風承順必敬滑甘則豐致  
養有榮其道克終天禍弊族遠承哀訃纏牽官仕一作事

奔哭無路亦既請告聿來京師以號以呼祇拜堂帷子  
姓彫落宗門日哀託于外姻陳此靈儀幼女號戀誓言  
固之仁賢見容曲遂其私內顧孱眇祇益摧悲誠愧于  
人豈曰得宜今歲調選獲叅士林主其簿書于華之陰

受祿雖微莫遂曩心夙駕東征祖輶將臨

輶音跋道祭也

朔望

是違哀懷豈任嗚呼哀哉

祭獨孤氏丈母文

夫人獨孤中叔之母也中叔字子重少有聞稱年二十七而卒

故云克生賢子未壯而死又云曩與子重道契義均也其云自罹禍適紀漂淪蓋公自永貞

元年乙酉謫官至元和十一年丙申為一紀耳

維年月日某以清酌之奠祭于獨孤氏丈母之靈惟靈育德涵仁克生賢子生而不淑未壯而死名播九圍望高羣士雖微祿位人羨其美在抱無孫承家乏祀孝女

良婿適遵燕喜某曩與子重道契義均知心為貴實在  
斯人奉養宜繼將致其勤竟罹禍譴逾紀漂淪夙志斯  
阻微衷莫申冀榮末路私願獲陳遽此承訃天乎不仁  
嗚呼哀哉昔也高堂世悲其獨今茲元室孝道當復神  
感昭融不疾而速靈識逾濬承歡載穆式致其安寧寘  
其毒願言有知以慰幽躅

祭從兄文

據文云銘墓有詞發我狂言以集考之  
公嘗為大理評事柳君墓誌即公之從

兄也諱寬字存諱文又云假守郡藩蓋寬嘗為  
邕州見集之馬退山茅亭記文又云歲首去我

將濱海壖與誌所謂擬于海  
壖者皆合當即寬無疑也

嗚呼我姓嬋媽

嬋音蟬媽於虔切長貌

由古而蕃鐘鼎世紹圭茅

並分至于有國爵列加尊聯事尚書十有八人中遭諸

武抑壓讐冤踣弊不振

踣蒲比切

數逾百年近者紛紛稍出

能賢族屬矜曜

矜音旌與旌同旌旗也曜戈笑切與耀同照曜光也

期復于前君

修其辭楚越猶傳從事諸侯假守郡藩人謠吏畏威惠

咸宣神乎我欺命返不延興起之望是越是愆歲首去

我將濱海壖留遊歡娛涉月彌旬夜藝膏炬晝凌風烟

理策嶠嶮

嶠音區嶮音欽高險貌

縻舟潺湲

潺湲山切湲于權切流水貌

將辭

又醉既往而旋今者之來徒御悽然垂帷襜褕

襜褕衣蔽前

也飛旋翻翻升拜無形洽

一作合

哭誰聞逝歸從祔于鄧

之原銘墓有辭發我狂言祇陳其悲匪暇于文觴有旨酒豆有狔肩伊奠之菲而誠孔繁靈耶罔耶有涕漣漣

祭弟宗直文

集有志宗直殯云元和十年七月卒文亦是時作也

維年月日八哥以清酌之奠祭于亡弟十郎之靈吾門

彫喪歲月自

一作已

久但見禍謫未聞昌延使爾有志不

得存立延陵已上四房子姓各有單緒

一作各為單子

慥慥早

天

慥七到切

汝又繼終兩房祭祀今已無主吾又未有男子

爾曹則雖有如無一門嗣續不絕如綫仁義正直天竟

不知理極道乖無所告訴汝生有志氣好善嫉邪勤學

成癖攻文致病年纔三十不祿命盡

一作年過三十不掛命書

蒼天

蒼天豈有真宰如汝德業尚早合出身由吾被謗年深

使汝負才自棄志願不就罪非他人死喪之中並復為

媿汝墨法絕代知音尚稀及所著文不令沈沒吾皆收



錄以授知音文類之功更亦廣布使傳於世人以慰汝  
靈知在永州私有孕婦吾專優恤以俟其期男為小宗  
女亦當愛延子長大必使有歸撫育教示使如己子吾  
身未死如汝存焉炎荒萬里毒瘴允塞汝已久病來此  
伴吾到未數日自云小差雷塘靈泉言笑如故一寐不  
覺便為古人茫茫上天豈知此痛郡城之隅佛寺之北  
飾以殯紼

注見祭呂  
凝叔文

寄於高原死生同歸誓不相棄庶

幾有靈知我哀懇

祭姊夫崔使君簡文

公集有永州刺史流驩州崔君權厝誌即簡也誌云元和

七年正月辛八月桓至永遂

藻塋於社之北文是時作

永州刺史博陵崔公之靈天之生人或哲或愚君取其

英爰曜于初譽動京邑施于方隅密勿書奏元侯是俞

蜀寇內侮禍聯羌髳

音矛

君出顯畫披攘其徒南平劍門

西獲戎俘超受刑曹留總南都移刺連部下民其蘇道

不可常病惑中途悍石是餌元精以渝雷謗爰興按驗

增誣始雖進律終以論辜溟海浩浩而君是踰嵩山茫

蒞而君是居厥弟抗憤叫於康衢天子閔焉訊以文書  
御史既斥連帥是除期復中壤遽淪別區喪還大浸又  
溺二孤痛毒存仍振古所無何謫于天降此翦屠柅不  
及歸寓塋荒墟將葺將就誓還里閭嗚呼哀哉君之子  
姓惟自我出母儀先虧父訓又失煢煢相視煢與悼同憂也撫  
悼增恤咸冀其才以大家室惟昔與君年殊志匹晝咨  
夕計期正文律實契師友豈伊親昵誰謂斯人變易成  
疾良志莫踐乖離永訣嗚呼哀哉永山之西湘水之東

殯紼以出

見祭呂敬叔文

斧屋爰封

見祭崔少卿文

神非久留息駕于

中書石為誌世德崇手輿以酌

輿音拘抱也酌也

涕出焉窮

又祭崔簡文

一本作祭神樞歸上都文據簡元和七年既薨蓋于永公謂三年將復故

蓋且云後三年辭當備蓋自七年至十年為三年公元和十年正月己召至京師而此文謂君

死而還我生而留則當是元和九年作矣

嘻乎崔公之樞嘻乎崔公楚之南其土不可以室或坊

而頽

坊房叻切

或確而萃

確音慄多大石也萃昨沒切又昨律切

陰流泄漏瀦

沒渝溢

滅思庶切爾雅泉一見一否為瀦

碩鼠大蟻傍穿側出虧疎脆

薄久乃自室不如君之鄉式堅且密嘻乎崔公楚之南

其鬼不可與友躁戾佻險

佻音迨

睽眦欺苟

睽音悶瞽視也眦試刀切

張目也

睽賤暗習

睽坐果切習音忽

輕囂妄走

囂音銀

不思己類好

是羣醜不如君之鄉式和且偶日月甚良子姓甚勤具

是舟輦寧君之神去爾夷方返爾故鄰奕奕其歸宜樂

且欣君死而還我生而留遠矣殊世曷從之遊酌觴于

座與涕俱流

祭崔氏外甥文

即簡之子曰處道曰守訥以奉簡之喪踰海不幸暴風溺死此必喪

至永後次前祭崔使君文作一本云崔君筵側祭二甥文篇首有年月日八弟十弟以酒肉之

奠敬祭外甥章

六小卿之魂字

嗚呼生有孝姿淑且茂兮謂吉其終道克就兮胡典而喪離厥咎兮蹈道而違死誰佑兮豈汝之昧不能究兮

將奪之鑒使昏霧兮

霧與露同

反復攪予哀何救兮骨肉無

從魂焉覲兮庶幾來歸餒以脩兮

餒音俊饑食也

酒實于觴肉

盈豆兮豈伊異人余所授兮來耶否耶歆氣臭兮

祭崔氏外甥女文

崔氏即簡之女諱瑗嫁朗州員外司戶河東薛巽元和十二年

六月辛公時在柳也誌曰某月日遷柩于洛某月日祔于墓在北印山南洛水東故曰印阜有

位云

叔舅宗元祭于二十六娘子之靈凡我諸甥惟爾為首

甥於我氏恩顧彌厚惠明貞淑仁愛孝友女德之全素

風斯守播于族屬芬

一作紫

馨自久恭惟伯姊道茂行高

上承下訓克敬能勞夙有儀則刑于汝曹雖云性善抑

自良陶汝之先君以文誨我周流辨論有疑必果恒革

其非以成其可孰云具美易以生禍汝及諸弟流離莫

從幸獲我依以慰困窮歸之令族有蔚其容方冀榮壽  
遽罹災凶嗚呼哀哉汝自艱酷二弟繼終海門之哀今  
古罕同駢也英文敷暢洽通實期振耀宏我儒風又茲  
天關神理何蒙盛德餘慶宜福其豐胡然降戾惟禍之  
逢嗚呼哀哉前歲詔追廷授遠牧武陵便道往來信宿  
幸茲再見緩我心曲猶且輕別瞻程務速孰知自此遂  
間幽躅除玉切臨視無路遡風慟哭怛然自中如刀之觸  
邱阜有位青烏載卜

相冢書曰青烏子稱山三重  
相連名連傘山莖之二千石

道途



尚艱歲月逾感方俟歸紉再期奠沃寄哀斯文心焉往  
復嗚呼哀哉

祭外甥崔駢文

駢當是處道守訥之昆弟也文謂我自得罪無望還都此在永時作

祭于卿郎之魂嗚呼天恡靈奇

恡音吝

取不可貪既睿又

力神誰以堪汝不是思而縱其志盜其管籥褰其篋匱

抽深抉密檐重揭貴

褰占切衣蔽前也重傳容切揭丘傑切舉也又巨列切負也

守

吏失職訴帝行事果殄爾躬以寧其位豈不信耶不然  
無鬼誅之行而中道夭死有拔類之才而三見廢委仁

充其軀毒中骨髓其何以為累也兄弟逾十我出惟八  
既孤數祀中分存沒我為汝舅汝為我甥求仁具得為  
藝繼成天下莫倫古罕並行人而思之幾不欲生嗚呼

既致其愛祇極其哀秦越萬里心魂徘徊念與汝別桓

公之臺顧余猶壯視爾如孩戲抽佛筴

與策同

前次施隈

施徒何切隈鳥回切水曲也

笑領即路鳴鞘不迴

鞘音非又音笑鞭也

豈云古

今自此而乖孰為鬼神忍是陰誅得疾之日兄弟莫在  
謁醫問巫卒以幽昧葬之東野誰賄誰會既虞以莫誰

主誰酹

虞虞祭也禮記曰豈若速反而虞乎疏曰塋既已竟神靈須安豈若速反虞祭安神乎

孤

魂冥冥何託何逝嗚呼哀哉刑曹繼之以病告余銜憂

驅使裹藥操書雖驚狀劇猶恃神扶豈知所賴終以誤

吾我自得罪無望還都想爾新墓少陵之隅何時歸祔

圮土下呼

圮彼美切毀也

漬淚徹壙

漬疾智切澀也

以沾以塗此心未

慊祇益摧紆累見于夢寧知有無寄之哀辭惟俎及壺

嗚呼哀哉

柳河東集卷四十一

欽定四庫全書

柳河東集卷四十二

唐 柳宗元 撰

古今詩七十六首

同劉二十八院長述舊言懷感時書事奉寄澧州  
張員外使君五十二韻之作因其韻增至八十

通贈二君子

劉二十八禹錫也初與公同為監察御史故曰院長張員外署也貞

元十九年與韓吏部李方叔三人為幸臣所讒俱為縣令南方韓集中有與張貶謫時道途唱

和詩十三章張後為澧州刺史韓誌其墓公此詩蓋貞元二十一年貶永州司馬後作

弱歲遊玄圃先容幸棄瑕東方朔十洲記崑崙山有三角一角正西北名玄圃臺西

漢鄒陽傳以左右先為名勞長者記文許後生誇陳平門多

後生可畏長者車語云鸚翼嘗披隼蓬心賴倚麻荀子蓬生麻中

不扶自直莊子夫子猶有蓬之心也夫謂繼酬天祿署不直也鸚音晏莊子斥鸚小鳥也隼音笋

俱尉旬侯家漢揚雄校讐天祿閣旬侯書旬服侯服是也上四聯蓋謂與張同以進士舉博學宏

詞交遊相依張為校書郎武功尉憲府初收跡丹墀共公為集賢殿正字藍田尉之意

拜嘉謝靈運晉書漢官尚書為中臺御史為憲臺謁者為外臺是為三臺又御史所居之署漢謂之御史

府張衡西京賦青瑣丹墀注丹墀階也以丹墀塗之公  
貞元十九年與張同為監察御史故此對已下皆言其

御史時相從於朝之意分行參瑞獸傳點亂宮鶚執簡寧循枉持

書每去邪

沈約為御史中丞彈奏王源文云源官品應黃紙臣輒奉白簡以聞任昉為中丞彈曹景

宗亦云謹奉白簡文崔篆御史箴曰簡上霜凝筆端風起蓋御史刻奏以簡也後漢蔡邕舉高第補侍御史又轉

持書御史遷尚書持書亦御史銜也鸞凰標魏闕熊武負崇牙周禮乃縣治象之灋

於象魏鄭司農云象魏闕也莊子身在江湖之上心游魏闕之下周官熊虎為旂熊武即熊虎也牙謂牙旗也

宋鄭鮮祭牙文崇辨色宜相顧傾心自不譁金爐仄流

月紫殿啟晨椒

椒音遐赤色也謂曉起日光射殿宇也漢紀云神光降集紫殿未竟遷

欽定四庫全書

柳河東集

二

喬樂俄成失路嗟

此已下言張與韓李皆謫為縣還如令南方之意遷喬字見孟子

渡遼水更似謫長沙

李白詩屈平顛顛滯江潭亭伯流離放遼海賈誼事漢文帝為絳灌

馮敬之屬妬害之謫為長沙王太傅

別怨秦城暮途窮越嶺斜訟庭閒枳

棘候吏逐麋麋

麋音眉麋音鹿也

三載皇恩暢千年聖歷遐

張自貞元十九年癸未至元和元年乙酉憲宗即位為三年矣故云三載朝宗延架海師役

罷梁滢

滢音滢水名梁滢作橋於朝宗字見禹貢

京邑搜貞幹

謂張憲宗立拜

京兆府司錄也

南宮步渥洼

張繼為禮刑二部員外郎也注音蛙渥洼水名武帝紀馬生渥洼水

中世推材是梓

一作杼

人仰驥中驂歛刺苗人地仍踰顙



石崖

謂張出為虔州刺史也虔屬江南道三苗之國在焉故曰苗人地顛音紺虔州縣名又音貢水名出

豫章禮容乘琕琕琕成備響鈺鍛

琕音必一作珽補切玉也琕邊孔切佩刀下飾詩

琕琕容刀鈺音鴉鍛音霞說文鈺鍛頸鎧也

寵即郎官舊威從太守加

張仍刑

曹刺禮州也

建旗翻驚鳥負弩繞文蛇

周官鳥隼為旗龜蛇為旐又云州里建旗

旗音余剥鳥皮毛置之竿頭為之隼驚鳥也故云翻冊驚鳥繞文蛇謂旐也司馬相如傳縣令負弩矢先驅冊

府榮八命

伯周禮宗伯以九儀正邦國八命作牧注謂侯伯有功者加命得專征伐於諸侯鄭司農云

一州之牧王之三公亦八命

中闡盛六

玠闡一作闡詩君子偕老副笄六玠音加婦人首飾

之盛者韓吏部作張公墓誌云公娶河東肯隨胡質矯柳氏子則公與張為親故言及中闡也

胡質仕魏太祖時性沈實內察不以節檢物所方惡馬在見思既卒詔書褒述質清行賜其家錢穀

融奢後漢馬融為南郡太守居宇器服多存褒德符新

換漢文帝紀初與郡守為銅虎符竹使符張晏曰符以代古之珪璋從簡易也師古曰與郡守為符者謂各

分其半右留京師左以與之今郡守多用分符懷仁道合符事謂此也張自虔州改澧州故曰符新換

併遮寇恂嘗為潁川太守後從車駕擊隗囂至潁川俗百姓遮道曰願從陛下復借寇君一年乃留寇俗

嫌龍節晚周禮掌節凡邦國之使節山國用虎節土國用人節澤國用龍節注云使節使卿大夫聘

於天子諸侯行朝訝介圭賒詩錫爾介圭以作爾珪箋道所執之信也朝訝介圭賒云圭長尺二寸謂之介非

諸侯之主故以禹貢輸苞匭禹貢苞匭菁茅苞橘柚也為珪賒音奢禹貢輸苞匭匭匣也荊州所貢澧屬山

南道即古荆周官賦秉秬之牢禮餼獻飲食之等數與

其政治凡諸侯之禮上公車米賍生牢牢十車車秉有五簋車禾賍死牢牢十車車三秬注引聘禮四十斗曰

斛十六斗曰簋十簋曰秉秉有五簋則二十四斛也四秉曰官十官曰稷十稷曰秬每車秬則三十稷稷猶束

也耗文加反雄風吞七澤嘗見其一如子虛賦楚有七澤稷一作總

見者曰異產控三巴華陽國志曰武王克商封其子宗雲夢

江以上為巴郡江州至臨江為永寧郡朐忍至魚腹為固陵郡巴遂分矣璋復改永寧為巴郡以固陵為巴東

徙龐義為巴西太守是為三巴又樂史纂宇記於渝州記云開自二水東西流三曲如巴字是謂三巴其說又

不同然公詩意謂張所治澧州屬山南東道而劉璋所分三巴之地屬山南西道及劍南道山南劍南二道相

欽定四庫全書

卷四十二

接故曰控 即事觀農稼因時展物華秋原被蘭葉春渚  
三巴也

漲桃花令肅軍無擾程懸市禁貫貫音奢不應漁竭澤

寧復歎棲苴今為蕕字苴鋤加切水中浮草也踈躑躅先駕踈音牒躑音變踈躑

行貌騶音 鄒廐御也 籠銅鼓報衙染毫東國素韋誕非紉素不濡下筆素紙也

印錦溪砂砂丹砂也本草丹砂多出蠻洞貨積舟難泊人歸山倍

畬音奢火種田也吳飲工折柳梁元帝纂要曰齊歌曰謳吳歌曰飲宋玉招魂云吳飲蔡謳秦

大呂古樂府有折楊柳曲桓伊善笛撰折楊柳楚舞舊傳  
柳尤為奇妙後人不能盡其指訣也飲音俞

芭文選越艷楚舞後漢傳殺舞賦云宋玉曰臣聞激楚結風陽阿之舞材人之窮觀天下之至藝晉禮樂志

巴郡善歌舞高祖愛其舞詔樂府習之今巴  
渝舞是也巴舞疑是此而諸本作芭未詳  
隱几松為

曲傾樽石作汙

今為宋字音哇汙樽字見禮記隱几而卧見孟子

寒初榮橘柚

夏首薦枇杷祀變荆巫禱風移魯婦髻

史記封禪書荆巫祠堂下至先

司命施糜之屬蓋荆楚之俗好巫故曰荆巫檀弓魯婦  
人之髻而弔也自敗於臺始也蓋魯襄公四年臧文

仲與邾戰於臺始魯人迎已聞施愷悌還覲正奇衮衮  
喪者髻髻側瓜反喪髻也

斜周禮比長各掌其比之治親慕友慚連壁晉潘岳夏  
侯湛並美

有罪奇衮則相及注衮猶惡也  
姿容每止同與接言姻喜附葭漢書中山靖王傳今羣  
臣非有葭莩之親顏師

茵京都謂之連壁  
古曰葭蘆也莩者其筍中白皮至薄者也前言中聞盛  
六珈此又云附葭蓋張瑁於柳氏則與公為親矣此以

欽定四庫全書

卷四十二

下皆自叙其 沈埋全死地流落半生涯入郡晉常折潛

曰吾不能為五斗米折逢人手盡義馬援傳豈有知其腰拳拳事鄉里小人耶

舌義手敢辭親恥汙唯恐長疵痂善幻迷水火列子窮從俗乎

謂之幻音胡辨切之化 齊諧笑柏塗莊子齊諧者志怪者也東方朔傳時有幸

倡郭舍人滑稽不窮因曰臣願復問朔隱語不知亦當榜即妄為諧語曰今壺齟老柏塗伊優啞狝呌牙何謂

也朔曰今者命也壺者所以盛也齟者齒不正也老者人所敬也柏者鬼之庭也塗漸沮徑也伊優啞者辭未

定也狝牛牙者兩犬爭也舍人所問朔應聲對無能窮者師古曰柏者言鬼神尚幽暗故以松柏之樹為庭府

漸如浸濕也 東門牛屢飯淮南子曰甯戚欲干齊桓公塗丈加切困窮無以自達於是為商旅

將車以適於齊暮宿於郭門飯牛車下望見桓公乃中擊牛角而商歌桓公聞之曰異哉歌者命後車載之

散蟲空爬

晉嵇康為中散大夫山濤為吏部郎舉康自代康為濤絕交書有云危坐一時痺不能搖

性復好蟲爬搔無已

逸戲看猴鬪殊音辯馬槲 切槲張小 渚行狐作

夔林宿鳥為殄

夔魚列切與夔同說文魚獸虫殄之怪謂之夔殄音嗟病也

同病憂

能老新聲麗似姱豈知千仞墜祇為一毫差守道甘長

絕明心欲自剗

剗音鴉頸也

貯愁聽夜雨隔淚數殘葩臬族

音長聒豺羣啄競呀

臬堅堯切不孝鳥也呀虛牙切張口貌啄一作啄

岸蘆翻

毒蜃磤竹鬪狂摩

磤音麻牛也

野鶩行看弋江魚或共奴

瘴氛恒積潤訛火亟生煨訛火野火也煨耳靜煩喧蟻

晉殷仲堪傳父師皆患耳魂驚怯怒蛙韓非子越王伐

也出見怒蛙乃為之式從者曰風枝散陳葉霜蔓縱寒

瓜縱一作縋霧密前山桂冰枯曲沼蕝音遐爾雅思鄉比

莊鳥史記越人莊歸仕楚執珪有項而病楚王曰歸越

對曰凡人之思故在其病也彼思越越世慕睦夸慕一

北史睦夸高尚不仕寄情丘壑崔浩奏徵為中郎將辭疾不赴州郡逼遣不得已既入京郡遂去漁舍

茨荒草村橋卧古槎御寒衾用屬屬音計挹水勺仍椰



柳音耶木名樹如樓欄子殼可以為器交州記椰子中有漿飲之得醉故後人取其殼為酒器如酒中有毒則酒沸起但今皆漆其裏  
則全失椰子之意矣  
窻蠹惟全蝎覺涎競綴蝎引泉

開故竇護藥挿新筓  
筓音巴竹樹怪花因櫛  
花中有木

櫛花多生於蟲憐目待蝦  
蝦嶺表錄異海鏡蟹為腹水母  
古樹朽壤中蟲憐目待蝦蝦為目水母者閩人謂之蛇

渾然凝潔大如覆帽腹如懸絮有口而無目常有蝦隨之食其涎浮涎水上人或取之則歛然而沒乃蝦有所

見驟歌喉易頃  
頃也老子曰號而不頃  
耳驟歌喉易頃也老子曰號而不頃  
饒醉鼻成敲  
音敲

查鼻上曳捶牽羸馬垂叢牧艾猥  
猥音加已看能類鼈  
鼈也

能囊來切爾猶訝雉為鷄  
鷄音華山誰采中原菽  
菽詩中原有

次定四庫全書  
柳河東集  
七

菽庶民徒巾下澤車馬援曰吾從弟少游常哀吾大志曰士生一世但取衣食裁足乘

下澤車馭款段馬鄉里稱客入斯可矣注云車人為車行澤者欲短轂短轂則利也 俚兒供苦筍

倉父饋酸櫛僖士衡切吳人謂楚人為僖櫛音查果也 勸策扶危杖邀持當

酒茶道流徵短褐禪客會袈裟香飯春菰米菰音孤草名廣雅蔣

菰其米謂之周珍蔬折五茄茄音茄本草五茄葉可作蔬菜食 方期飲

甘露宋錄曰新安王子鸞豫章王子尚諸墨濟道人於八公山濟設茶茗尚味之曰此甘露也何言茶茗

更欲吸流霞抱朴子項曼都修道山中忽遊紫府飲流霞一盃酒忽思家為上帝所斥河東呼為

斥仙 屋鼠從穿穴林狙任攫拏春衫裁白紵朝帽挂烏

紗屨歎恢恢

老子天網恢恢

頻搖肅肅置

詩肅肅免置

衰榮因賞

英

帝王代紀堯時有草夾階而生每月朔日生一英至望則日落一英月小則餘一英王者以是占歷名之

英盈缺幾蝦蟇路識溝邊柳城聞隴上茄共思捐珮處

千騎擁青綯

楚詞捐余玦兮江中遺余珮兮澧浦王逸云屈原既放遂常思念君設欲遠去猶捐

玦玕置於水涯冀君求已示有還意東郭先生拜二千石佩青綯出宮門行謝主人綯古華切綬也

弘農公以碩德偉材屈於誣枉左官三歲復為大

僚天監昭明人心感悅宗元竄伏湘浦拜賀末

由獻詩五十韻以畢微志

弘農公楊憑也憑本傳御史中丞李夷簡

與憑有隙劾奏憑不法由京兆尹貶臨賀尉俄徙為杭州長史以太子詹事卒按憑貶在元和四年而詩序云三歲復為大僚蓋自元和四年己丑至七年壬辰為三歲矣是歲立遂王宥為皇太子肆赦故詩有重明昭萬方之語詩蓋是時作也但詩又云高居遠鼎邑遙傳好書王此公集祭憑文中所謂入傳王國嘉聲幸興者也當是憑自杭州後遷諸王傳分司東都在未為詹事時而史不載是事耳此詩之獻豈憑在東都時耶

知命儒為貴時中聖所臧處心齊寵辱遇物任行藏關

識新安地

新安縣名隸河南府

封傳臨晉鄉

臨晉縣屬河中府

挺生推豹

尉易君子豹變其文蔚也

高步仰龍驤

魏書陳琳曰今將軍龍驤虎步高下在心幹有

千尋竦精聞百鍊剛茂功期舜禹高韻狀羲黃狀一作上又作

扶足逸詩書圓鋒搖翰墨場雅歌張仲德詩小雅侯誰在矣張仲考

友注張頌祝魯侯昌魯頌四篇皆頌僖公也其閼宮篇云俾爾熾而昌俾爾昌而熾俾爾

昌而憲府初騰價憑嘗為監察御史故云憲府神州轉耀鉅音右言

盈簡策謂憑嘗為起居舍人也起居舍人一曰右史即古所謂言則右史書之者也唐制起居郎掌錄天

子起居法度天子御正殿則郎居左舍人居右有命俯陞以聽退而居之季終以授史官左轄備條

綱謂憑嘗為左司員外郎也唐左丞掌管轄諸司糾正省內通判都省事左司員外掌副左丞所管諸司事

者也故亦響切晨趨珮煙濃近侍香司儀六禮洽論將

七兵揚

謂憑嘗為禮部兵部二郎中也周禮司徒修六禮以節民性謂冠一昏二喪三祭四鄉五相見

六也七兵本始於周禮司徒掌五兵者也至魏置五兵尚書謂中兵外兵騎兵別兵都兵為五晉太康中乃分

中兵外兵各為左右與舊五兵為七曹後魏遂為七兵尚書而七兵之名自此立矣合樂來儀鳳

尊祠重餽羊

謂憑嘗為太常少卿也書簫韶九成鳳凰來儀論語子貢欲去告朔之餽羊

卿材優柱石公器擅巖廊峻節臨衡嶠和風滿豫章

謂憑

嘗為湖南江西觀察使也江西道理洪州即豫章郡也衡山南岳也在衡州屬湖南道云人歸父母

育郡得股肱良細故誰留念煩言肯過防壁非真盜客

張儀游說諸國嘗從楚相飲已而楚相亡壁門下意張儀曰儀貧無行必此盜君相之壁共執張儀掠笞數百

不服釋之金有誤持郎直不疑為郎事文帝其同舍有告歸

亡意不疑不疑謝有之買金償後龜虎休前寄貂蟬冠

告歸者至而歸金亡金郎大慙

舊行謂憑自江西觀察使入為左散騎常侍也龜印也

千石亦銀印龜鈕虎符也漢文帝初與郡守為銅虎符

貂蟬冠也晉太始中通直散騎常侍亦虎冠右貂金蟬

貂丁訓刑方命呂謂憑自散騎為刑部侍郎也周書呂

聊切訓呂侯見命為天子司寇以穆王命作書理劇復推張憑

訓暢夏命贖刑之法以訓居天下也

自刑部為京兆尹也漢書張敞為膠東相自請治劇郡

非賞罰無以勸善懲惡後守京兆尹京兆典京師長安

中浩穰於三輔尤為劇入守者輒直用明銷惡還將道

以罪過罷唯趙廣漢及敞為久任

河東集

勝剛敬逾齊國社

漢石慶為齊相齊國慕其家行大治為立石相祠

恩比召南

棠

詩甘棠美召伯也詩云蔽芾甘棠勿剪勿伐召伯所蒞蓋國人被其德故敬其樹也

希怨猶逢

怒

不念舊惡怨是用希見論語

多容競忤强火炎侵琬琰鷹擊謬驚

凰刻木終難對

路溫舒傳刻木為吏期不對顏師古曰畫獄木吏尚不入對况真實乎司馬遷

報任少卿書曰士有畫地為牢誓不

焚芝未改芳

抱朴子曰

慮巫山之失火恐芝父之并焚

遠遷逾桂嶺

謂憑自京兆貶臨賀尉也臨賀屬賀州隸廣南道桂

嶺賀州名山

中徙滯餘杭

謂憑繼徙杭州長

顧土雖懷趙知

天詎畏匡

子畏於匡曰天之未喪

論嫌齊物誕

莊子有齊物篇



騷愛遠遊傷離騷

有麗澤周羣品重明照萬方斗間收

紫氣

晉書斗牛之間有紫氣雷煥曰寶劍之精

上徹於天在豫章鄆城令掘獄果得雙劍

臺上挂

清光

元和七年立皇太子肆赦也

福為深仁集妖從盛德穰秦民啼

畎畝周士舞康莊

爾雅四達謂之衢五達謂之康六達謂之莊

采綬還垂艾

焦貢易林曰二千石官白艾綬也

華簪更截肪

魏文帝與鍾繇書曰竊見玉書稱玉白如截肪

肪音

高居遷鼎邑遙傳好書王

當是憑自杭州召回遷諸王傳分司東都也周

成王時遷九鼎於洛邑洛邑即唐東都史記賈誼為梁懷王太傅梁懷王文帝之少子愛而好書故令賈生傳

之又淮南王安碧樹還金谷丹霞映上陽畱歡唱容與

次定四庫全書

柳河東集

要醉對清涼故友仍同里常僚每合堂淵龍過許劭水

鯉弔王祥

自注云許侍郎尹河南許司業分司東都王舍人居憂在洛皆弘農公平生親友許侍郎

孟容也三舍人仲舒也東漢許劭汝南平與人兄虔亦知名汝南人稱平與淵有二龍焉晉王祥性至孝母嘗

欲生魚時天寒冰凍祥解衣將剖冰求之冰忽自解雙鯉躍出持之而歸玉漏天門靜張衡

轉渾天儀制曰以銅為器再疊差置實以清水下各開孔以玉虬吐漏水入兩壺左為晝右為夜銅駝

御路荒

華延雋洛陽記曰兩銅駝在宮之南街東西相向高九尺洛陽謂之銅駝陌

澗瀍秋

漱澀

書曰我乃卜澗水東瀍水西惟洛食澀力驗切澀音艷水動貌也

嵩少步微茫戴

之西京記嵩山其東謂太室西謂少室嵩其摠名即中岳也在洛中導者徒云樂詩九畹美周公

也周大夫刺朝廷之不知也詩云鴻飛遵渚公歸無所言鴻大鳥也不宜同鳬鷖之屬循渚也冲天自

不遑

鳴王知此鳥何也王曰國中有一飛冲天

降神終入輔

維嶽降神生甫及種德會明敷德見書

獨棄儉人國

儉音士衡切難窺夫子牆夫子之牆數通

家殊孔李

後漢孔融孔子二十世孫也時河南尹李膺以簡重自居非當時名人及與通家者皆不

得見融欲觀其人語門者曰我是李君通家子弟膺請融曰高明祖父嘗與僕有舊恩乎融曰然先君孔子與

君先人李老君同德比義而相師友舊好即潘楊世為

婚姻潘岳作楊仲武誄曰潘楊之睦世議排張摯史記張釋

之子曰張摯字長公官至大夫免

時情棄仲翔

吳志虞翻字仲

翔孫權以為騎都尉翻數犯顏諫爭權不能悅又性不協俗多見謗毀坐徙丹陽尉

不言繆紕枉

徒恨墨微長

微一作牽

賈賦愁單闕

賈誼貶長沙有鵬入其舍乃作賦云單闕之歲

鵬集余舍闕烏葛切單闕太歲在卯也

鄒書怯大梁

鄒陽上書梁孝王王怒欲殺之陽乃在獄

中上書梁王立出之

炯心那自是昭世嬾佯狂

世一作代箕子鳴懼紂佯狂為奴

玉機全息懷沙事不忘

屈原既放逐作懷沙之賦自投汨羅而死

戀恩何敢

死垂淚對清湘

酬韶州裴曹長使君寄道州呂八大使因以見示

二十韻一首并序

呂道州溫也刺道州當元和四五年間裴韶州名字

未詳題云曹長必嘗與公同在禮部者詩在永州作

韶州幸以詩見及往復奇麗邈不可慕用韻尤為高絕  
余因拾其餘韻酬焉凡為韶州所用者置不取其聲律  
言數如之

金馬嘗齊入

公孫弘傳待詔金馬門

銅魚或共頒

隋制京官五品以上佩銅魚符

唐武德改太守為刺史號為使持節諸軍事而實無節但頒銅魚符而已疑山看積翠  
九疑山在零瀟水想澄灣  
瀟涉盈切水名標榜同驚俗清明兩照姦乘輶

參孔僅

自注云韶州嘗隨潘戶部出征賦潘戶部孟陽也傳亦不載韶州名字孔僅漢武帝時為大農

丞舉行天下鹽鐵見貨殖傳

按節服侯

自注云道州昔使絕域遂無猾夏之虞侯

見漢書奴傳

賈傳辭寧

切賈誼謫為長沙王太傳過湘水作文以弔屈原

虞童髮未

鬣

指虞翻也虞翻年十二客有侯其兄不過翻翻追與之書客奇之鬣音班

秉心方的騰

口任頰頰

頰音顏爭貌韓子云其鬬頰頰

聖理高懸象爰書降罰鍰德

風流海外和氣滿人寰御魁恩猶貸

左氏投諸四裔以禦魑魅

思賢

淚自潛

潛所班切出涕貌

存亡均寂寞寥落間惇鰥夙志隨憂

盡殘肌觸瘡瘍

五還切瘡也

月光搖淺瀨風韻碎枯管海俗

衣猶卉

書島夷卉服注南海島夷草服  
葛越卉草也葛越南方布名

山夷髻不鬋泥

沙潛虺蜮

蜮射工蟲也見  
下嶺南江行注

榛莽鬬豺獍

音蠻豺  
類也

循省誠

知懼安排祇自憫

音閑說  
文愉也

食貧甘莽鹵被葛謝爛

音爛

蘭漏音逋閑切  
爛漏色不純也

遠物裁青蘋

音計織  
毛也

時珍饌白鵬長捐

楚客珮

注見前  
詩矣

未賜大夫環

荀子召人以環絕人以玦  
反絕以環注云古者臣有

罪待放於境三年不敢去  
與之環則還與之玦則絕

異政徒云仰高蹤不可攀空

勞懃懃悴妍唱劇妖嬀

音閑說  
文雅也

酬婁秀才將之淮南見贈之作

婁秀才圖南也集  
有送之淮南序在

元和五六年間二  
詩皆當同是時作

遠棄甘幽獨誰言述故人好音憐鍛羽

詩載好其音鍛所介山夏二切

遠鍛翻由時至鍛殘也

濡沫慰窮鱗

莊子泉涸魚相與處於陸相煦以濕相濡以沫

困志

情惟舊

困一作同

相知樂更新浪遊輕費日醉舞詎傷春風

月歡寧間星霜分益親已將名是患還用道為隣機事

齊飄瓦

莊子雖有伎心者不怨飄瓦

嫌猜比拾塵

孔子窮於陳蔡之間七日不嘗粒食

顏回得米而爨之孔子望見回攫其甑中飯而食之飯熟及進於孔子孔子曰今夢見先君食潔欲饋回曰不可向者災煤入甑中棄食不祥回因攫而食之孔子嘆曰所信者目所恃者心今心目不足信而恃矣弟子識



之矣。燂烟塵因拾烟塵。孔子於是疑惑。

高冠余肯賦長鉞子忘貧。

史記馮灌聞孟

嘗君好士。躡屨而見之。孟嘗君置傳舍十日。問傳舍長曰。客何為答。曰。馮先生甚貧。猶有一劍耳。又蒯緇彈其

劍而歌曰。長鉞歸來。乎。食無魚。鉞吉。協切。

晚晚驚移律。睽攜忽此辰。開顏時

不再。絆足去何因。海上銷魂別。天邊弔影身。祇應西澗

水寂寞。但垂綸。

酬婁秀才寓居開元寺早秋夜月病中見寄

客有故園思。瀟湘生夜愁。病依居士室。

維摩居士丈室也。

夢繞

羽人丘。

楚詞仍羽人於丹丘。注云山海經曰。有羽人之國不死之民。或曰人得道身生羽毛也。丹丘晝

夜常明也味道憐知止遺名得自求壁空殘月曙門掩候蟲

秋謬委雙金重

選佳人遺我綠絳琴何以贈之雙南金

難徵雜珮酬

詩知子之

好之雜珮以報之注雜珮者珩璜琬琰衡牙之屬

碧霄無枉路徒此助離憂

初秋夜坐贈吳武陵

吳武陵永州流人也來永州在元和三年公下有簡武陵

詩當四年秋此詩亦同時作

稍稍雨侵竹翻翻鵲驚叢美人隔湘浦一夕生秋風積

霧杳難極滄波浩無窮相思豈云遠即席莫與同若人

抱奇音朱絃絀枯桐

絀古鬱急張也

清商激西顥泛滌凌長

空自得本無作天成諒非功希聲闕大樸聾俗何由聰

晨詣超師院讀蓮經

亦在永  
州也

汲井漱寒齒清心拂塵服間持貝葉書

西域經多以  
貝多葉書之步

出東齋讀真源了無取妄跡世所逐遺言冀可冥

遺一作遺

繕性何由熟道人庭宇靜苔色連深竹日出霧露餘青

松如膏沐澹言離言說悟悅心自足

贈江華長老

江華道州縣名也道州即古之舂陵  
自道州流亦可至永故詩謂去歲別

舂陵  
此投跡也

老僧道機熟默語心皆寂去歲別春陵  
泐流此投跡室

空無侍者巾屨唯挂壁一飯不願餘跣  
趺便終夕

跣音屈

足也跣音膚足也

風窻踈竹響露井寒松滴偶地即安居  
滿庭

芳草積

巽上人以竹間自採新茶見贈酬之以詩

巽上人重巽也

巽時居永州龍興寺此在永州作也

芳叢翳湘竹零落凝清華復此雪山客  
晨朝掇靈芽

掇都

活切拾取也

蒸烟俯石瀨

音賴水流沙上也

咫尺凌丹崖圓方麗奇

色主壁

玉一作

無纖瑕呼兒爨金鼎餘馥延幽遐滌慮發

真照還源蕩昏邪猶同甘露飯佛事薰毗耶

維摩詰經時化菩薩

以滿鉢香飯與維摩詰飯香普薰毗耶離城及三千大千世界時維摩詰語舍利佛等諸大聲聞仁者可食如來甘露味飯大悲所薰無吐此蓬瀛侶無乃貴流霞見

注一詩

零陵贈李御元侍御簡吳武陵

零陵永州郡名吳武陵公前有初秋

夜贈之詩集中又有小丘記云李深源元克已時同遊深源克已即李御元侍御也時在元和

四年九月此詩云朔風吐雲寒寂歷窮秋時亦是時作

理世固輕士棄捐湘之湄  
陽光競四溟敲石安所施  
鍛羽集枯幹低昂互鳴悲  
朔雲吐風寒寂歷窮秋時  
君子尚容與小人守兢危  
慘悽日相視離憂坐自滋  
樽酒聊可酌放歌諒徒為  
惜無協律者窈眇弦吾詩

界圍巖水簾

詩云今我始北旋蓋公自元和元年貶永至是十年春召還經巖下而作

也

界圍匯湘曲青壁環澄流

選琴賦丹崖嶮巖青壁萬尋

懸泉粲成簾

羅注無時休韻磬叩凝碧鏘鏘徹巖幽丹霞冠其顛想

像凌虛游靈境不可狀鬼工諒難求忽如朝玉皇天冕

垂前旒楚臣昔南逐有意仍丹丘

楚詞屈原遠游章仍羽人於丹丘

今

我始北旋新詔釋縲囚采真誠眷戀許國無淹留再來

寄幽夢遺貯催行舟

古東門行

鮑明遠樂府詩嘗有東門行東門謂長安城門也觀公詩意蓋託以諷當時盜

殺武元衡事先是王承宗以朝廷析鎮拒命上怒削官爵遣吐突承瓘討之宿師久無功會淄

青盧龍數表請赦乃詔浣雪畀以故地及吳元濟反承宗與李師道上書請宥使人白事中書

悖慢不恭武元衡叱去承宗怨乃與李師道謀殺元衡故此詩首句引七國事謂承宗之變亦

起於削地也其曰赤凡夜語飛電光微巡司隸  
眠如羊謂元衡入朝出靖安里第夜漏未盡賊  
乘暗呼曰滅燭射殺元衡而邏司傳譟莫知主  
名也其曰當街一叱百吏走馮敬胄中丞也首  
謂賊始一呼而徒御格鬪不勝皆駭走遂害元  
衡也其曰魏王卧内藏兵符子西掩袂真無辜  
蓋盜殺宰相朝堂不知也其曰安陵誰辨削礪  
工韓國詎明深井里絕腰斷骨郝下補萬金寵  
贈不如土蓋是時初不知主名而吏卒不敢窮  
捕後下詔積錢東西市以募告者而王士則王  
士平始以賊聞也時當元和十年六月公是年  
正月自永州召回三月十四日復出為柳州此  
詩當是聞  
變後作

漢家三十六將軍東方雷動橫陣雲

吳王漢傳孝景帝  
前二年七國反書



聞天子乃遣太尉條侯周亞難鳴函谷客如霧貌同心  
夫將三十六將軍往擊吳楚

異不可數

秦姓西有瓏關東有函谷關史記孟嘗君去齊變姓名以出關夜半至函谷關法鷄鳴而出

客孟嘗君恐追至客有能為鷄鳴而鷄盡鳴遂發傳出

赤丸夜語飛電光

前漢尹賞傳長

安中姦滑浸多閭里少年羣輩殺吏受賕報仇相與探丸為彈得赤丸者斫武吏得黑者斫文吏白者主治喪

城中薄暮塵起勦劫行徼巡司隸如眠羊

周官以掌徒隸而巡察故

云司隸校尉漢以京師為司隸校尉部置京兆尹中興以洛陽為司隸校尉部置河南尹蓋司隸乃巡察之職

而眠如羊是不知有變矣眠一作很一作眼非是四皓謂太子將兵無異以羊將狼蓋弱不能以敵強而況又

耶當街一叱百吏走馮敬胸中函匕首

賈誼傳陛下之臣雖悍如馮敬

者通啟其口也首已陷其胸矣注云敬為御史大夫奏淮南厲王誅之又云始欲發言節制諸侯王則為刺客

所殺兇徒側耳潛愜心悍臣破膽皆杜口魏王卧内藏兵

符史記秦圍趙邯鄲魏公子无忌姊為平原君夫人數遣魏王及公子書請救魏王使晉鄙將兵十萬衆救

之秦使使告魏敢救者必移兵先擊之魏王恐使人止晉鄙侯生曰羸聞晉鄙之兵符常在王卧内而如姬最

幸力能竊之如姬果盜晉鄙兵符與公子公子與朱亥俱行至邯鄲魏王今代晉鄙軍遂將其軍進擊秦軍秦

軍解子西掩袂真無辜左傳哀十六年楚太子木暴去子西掩袂真無辜虐於其私邑鄭人殺之其子曰暴

勝在吳子西欲召之葉公曰吾聞勝也詐而亂無乃害乎子必悔之弗從召之使處吳境為白公請伐鄭子西

曰鄭未節也他日又請許之未起師晉人伐鄭楚救之與之盟勝怒曰鄭人在此讐不遠矣勝自厲劍子期之

子平見之曰王孫何自屬也曰將以殺爾父平以告子  
西子西曰勝如卯余翼而長之楚國第我死今尹司馬  
非勝而誰勝聞之曰令尹之狂也得死乃非我吳人伐  
慎白公敗之請以戰備獻許之遂作亂秋七月殺子西  
子期於朝而劫惠王  
子西以袂掩面而死  
羌胡穀下一朝起敵國舟中非所

擬

吳起謂魏武侯曰君若不  
修德冉中之人皆敵國也

安陵誰辯削礪功

當作工史記索

盡列傳盡病免居家景帝時使人問籌策梁孝王欲求  
為嗣衆盡進說其後語塞梁王以此怨盡曾使人刺盡  
安陵國門外梁孝王世家太史公曰刺者置其劍劍着  
身視其劍新治問長安中削礪工工曰梁郎某子來治  
此劍以此知而發覺  
之發使者捕逐之  
韓國詎明深井里  
史記聶政軹深  
仲子與韓相俠累有隙仲子聞軹人聶政之勇乃使政  
刺俠累俠累方坐府上兵衛甚衆聶政直入上階刺殺

俠累因自皮面決眼自屠出腸韓人暴其尸於市購問莫能識其姊嫫聞而往哭之曰是軹深井里聶政也以妾在重目刑以絕從妾奈何畏歿身之誅終滅賢弟之名遂死於尸旁  
絕臙斷骨舁下補

下一萬金寵贈不如土  
臙音穰秦晉謂肥曰臙

寄韋珩

公元和十年自永召還再出刺柳州六月過嶺故有炎烟咽口鼻之語又云今年啞

毒得霍疾當元和十二年也是年王師討淮蔡故云神兵廟略頻破虜四溟不日清風濤此詩即其年作珩正卿之子也集中有答其書云

初拜柳州出東郊道旁相送皆賢豪迴眸炫晃別羣王獨赴異域穿蓬蒿炎烟六月咽口鼻胸鳴肩舉不可逃

桂州西南又千里灘水關石麻蘭高

灘水出零陵

陰森野葛

交蔽日懸蛇結虺如蒲萄到官數宿賊滿野縛壯殺老

啼且號飢行夜坐設方畧籠銅枹鼓手所操

枹音膚擊鼓杖也

奇瘡釘骨狀如箭鬼手脫命爭纖毫今年噬毒得霍疾

支心攪腹戟與刀爾來氣少筋骨露蒼白涕汨盈顛毛

涕側瑟切汨越筆切

君今矻矻又竄逐辭賦已復窮詩騷神兵廟

略頻破虜四溟不日清風濤聖恩倘忽念行葦十年踐

踏久已勞幸因解網入禽獸畢命江海終遊遨願言未

果身益老起望東北心滔滔

奉和楊尚書郴州追和故李中書夏日登北樓十

韻之作依本詩韻次用

楊尚書於陵也據傳元和十一年以罪貶郴州

此詩當在柳作

郡樓有遺唱新和敵南金

南金注在前酬婁境以道情秀才早秋詩中

得人期幽夢尋層軒隔炎暑迥野恣窺臨鳳去徽音續

芝焚芳意深

見上獻弘農公詩注

游鱗出陷浦唳鶴繞仙岑風起

三湘浪雲生萬里陰宏規齊德宇麗藻競詞林靜契分

憂術閒同遲客心

待音值

驂騑當遠步鵓鳩莫相侵

音鵓

題鵓古穴切鵓鳥名春三月鳴則草木雕傷張平子思立賦恃已知而華予今鵓鳩鳴而不芳謂恃已之華

盛萸時知我而鵓鳩之鳴使衆草不芳猶護邪所閑不得進也今日登高處還聞梁父

吟陸士衡雜擬詩齊僮梁父吟秦娥張女彈注梁父吟樂府曲名也諸葛亮躬耕隴畝好為梁父吟

楊尚書寄柳筆知是小生本樣令更高擁使盡其

功輒獻長句

公謫永州時永與柳接故題云知是小生本漾蓋公在永時有所製

也與前詩同時作

截玉鉅錐作妙形

鉅音纖利也

貯雲含霧到南溟尚書舊用

欽定四庫全書

卷四十二

裁天詔

漢以尚書作詔文

內史新將寫道經

王羲之傳山陰有道士養好鶯羲之

固求市之道士云為寫道德經當舉羣相贈耳羲之欣然寫畢龍鶯而歸右軍帖中云右將會稽內史琅瑯王

羲之曲藝豈能裨損益微辭祇欲播芳馨挂陽御月光輝

徧

書卿士惟月

毫末應傳顧兔靈

楚詞夜光何德死則又育厥利維何而顧兔在腹言

月中有兔居月之腹顧望也

南省轉牒欲具注國圖今盡通風俗故事

詩有海獐狼荒

之句當在柳州作

聖代提封盡海隅狼荒猶得紀山川華夷圖上應初錄



風土記中殊未傳推髻老人難借問

推直追反西漢西南夷傳自滇以北

此皆推髻注謂髻如椎之形也

黃茆深洞敢留連

下有柳州之民多有居窟

峒間者矣

南宮有意求遺俗試掄周書王會篇

周武王時遠國歸款周史

集其事為王會篇見今汲冢周書第五十九篇

與浩初上人同看山寄京華親故

浩初即龍安海禪師弟子也下

又有浩初上人欲登仙人山詩蓋在柳州時元和十一年作

海畔尖山似劍鋸秋來處處割愁腸若為化得身千億

散上峰頭望故鄉

蘇舜卿子美詩話云韓退之詩水作青羅帶山為碧玉簪柳子厚詩云海

上興山似劍鉞秋來處處割愁腸陸道士云二公當時  
不相計會如做成一屬對子美為之對曰繫懣豈無羅  
帶水割愁還有劍鉞山又云僕自東武適文登並海行  
數日道傍諸峰真若劍鉞誦柳子厚詩知海山多爾耶  
每風自四山而下振動大木掩  
冉衆草紛紅駭綠翁勃香氣

再至界圍巖水簾宿巖下

公元和十年春正月自  
永召還過巖下嘗有詩

在前此詩所謂發春念長違者也是年三月出  
刺柳州五月復經從政有中夏欣再觀之句

發春念長違中夏欣再觀是時值物秀香若臨玄圃

東方

朔十洲記崑崙山有三角  
一角正西北名玄圃臺

敲陽訝垂冰白日驚雷雨笙

簧潭際起鸛鶴雲間舞古苔凝青枝陰草濕翠羽蔽空

素彩列激浪寒光聚的皪沉珠淵

班孟堅東都賦賤奇麗而不珍捐金於山

沉珠於淵

鏘鳴捐珮浦

楚詞九歌遺余珮乎澧浦

幽巖畫屏倚新月玉鉤

吐夜涼星滿川忽疑眠洞府

一作愧惚眠洞府

詔追赴都回寄零陵親故

元和十年北還道中作下至瀟亭上詩皆同

每憶纖鱗遊尺澤翻愁弱羽上丹霄  
岼旁古堠應無數  
次第行看別路遙

過衡山見新花開却寄弟

故國名園久別離今朝楚樹發南枝  
晴天歸路兩相逐

正是峯前回雁時

汨羅遇風

南來不作楚臣悲

屈原投汨羅而死公方召  
回故云不作楚臣悲也

重入修門

自有期

宋玉招魂云魂兮歸來入  
修門注修門郢城門也

為報春風汨羅道莫

將波浪枉明時

朗州竇常員外寄劉二十八詩見促行驛走筆酬

贈

劉二十八禹錫也公初與劉同貶今例召至  
京師詩云投荒垂一紀蓋自永貞元年至元

和十年為  
十一年也

投荒垂一紀新詔下荆扉疑比莊周夢

莊子昔者莊周夢為胡蝶栩栩

然胡蝶也自喻適志與不知周也

情知蘇武歸

蘇武使匈奴為匈奴留者十九年始以強壯出

及還鬚髮盡白賜環留逸響

見上酬裴韶州詩

五馬助征騑

墨客揮犀云世謂太

守為五馬或云詩曰子子千旗在浚之都素絲組之良馬五之鄭注謂周禮州長建旗漢太守比州長法御五

馬故云或曰古乘駟馬車至漢太守出則增一馬事見漢官儀也又古今風俗通曰王逸少出守永嘉庭列五

馬繡鞍金勒出則鞿之故永嘉有五馬坊焉不美衡陽雁春來前後飛

離觴不醉至驛却寄相送諸公

無限居人送獨醒

屈原曰衆人皆醉惟我獨醒

可憐寂寞到長亭

庚子

山江南賦十里五里長亭短亭  
五里一短亭十里一長亭也

荊州不遇南陽侶一夜

春寒滿下廳

北還登漢陽北原題臨川驛

漢陽州縣也

驅車方向闕迴首一臨川多壘非余恥

禮記四郊多壘此卿大夫之辱

也無謀終自憐亂松知野寺餘雪記山田惆悵樵漁事

今還又落然

善譔驛和劉夢得酌淳于先生

倦游錄云襄州南有驛名善譔蓋唐

之善譔驛乃淳于髡放鵠處也按髡傳髡滑稽多辯數使諸侯未嘗屈辱齊威王時楚發兵加

齊齊王使淳于髡之趙請救兵趙王與之精兵  
十萬草車千乘楚王聞之夜引兵而去詩所用

事本此元和十年  
北還過襄州作

水上鵲已去庭中鳥又鳴辭因使楚重名為救齊成荒

壠遽千古羽觴難再傾

宋玉招魂瑤漿密酌實羽觴  
注觴酒器也揀羽於其上

劉

伶今日意異代是同聲

詔追赴都二月至灞亭上

灞音霸水名在京城之  
左此將入京時作也

十一年前南渡客四千里外北歸人詔書許遂陽和至

驛路開花處處新

李西川薦琴石

不詳其作年月

遠師騶忌鼓鳴琴

史記田敬仲世家騶忌子以鼓琴見威王

去和南風愜舜

心家語舜作五弦之琴以歌南風文中子曰子驥而從鼓南風釣者曰嘻非今日事也其有虞氏之心乎

此他山千古重殷勤曾是奉徽音

同劉二十八哭呂衡州兼寄江陵李元二侍御

李元

二侍御即前李深源元克己也劉夢得集亦有哭呂衡州詩據公作呂衡州誄云溫以元和六

年九月卒詩是時作

衡岳新摧天柱峯

衡山南岳也天柱乃衡山諸峯之一公意借以喻衡州耳士林顛



頓泣相逢祇令文字傳青簡

後漢吳祐傳祐父恢欲殺青簡以寫經書注云殺青

者以火災簡令汗蓋取其易書復不盡謂之殺青亦謂之汗簡

不使功名上景鍾

周禮

為鐘鐘帶謂之篆篆間謂之枚枚謂之景

三畝空流懸磬室

左氏室如懸磬野無青草九

原猶寄若堂封

檀弓文子曰武也得全要領以從先大夫於九原注晉卿大夫之墓地在九原

又夫子曰吾見封之若堂者矣注封築土為壇堂形四方而高

遙想荊州人物論幾回

中夜惜元龍

魏志陳登字元龍在廣陵有威名年三十卒後許記與劉表並在荊州牧劉表坐

表與備共論天下人記曰陳元龍湖海之士備因言曰若元龍文武膽志當乘之於古耳造次難得比也

奉酬楊侍郎丈因送八叔拾遺戲贈詔追南來諸

賓二首

楊侍郎於陵也元和十年到京後未除官時作

貞一來時送綵牋一行歸雁慰驚弦翰林寂寞誰為主  
鳴鳳應須早上天

六言

一生判却歸休謂著南冠到頭冶長雖解縲紲無由得  
見東周

商山臨路有孤松往來所以為明好事者憐之編

竹成援遂其生植感而賦詩

元和十年三月後赴柳州道中作詩

蓋有自  
況之意

孤松停翠蓋託根臨廣路不以險自防遂為明所誤幸  
逢仁惠意重此藩籬護猶有半心存時將承雨露

衡陽與夢得分路贈別

劉夢得集有重至衡陽傷  
柳儀曹詩並引云元和乙

未歲與故人柳子厚臨湘水為別柳浮舟適柳  
州余登陸赴連州後五年余從故道出桂嶺至  
前別處而君歿於南中因賦詩以投弔詩云憶  
昨與故人湘江岸頭別我馬映林嘶君帆轉山  
滅馬嘶猶故道帆滅如流電千里江蘿春故人  
今不見元和乙未即十年也是時公與劉例召  
至京師又皆出為刺史  
史至衡陽分路云

十年顛顛到秦京誰料翻為嶺外行伏波故道風烟在

漢武帝紀南越王相呂嘉反遣伏波將軍路博德出桂陽下湟水公如柳劉如連皆過桂嶺而去故所經乃伏波

故道

翁仲遺墟草樹平

魏志明帝鑄銅人二號曰翁仲又水經注鄯南千秋亭壇廟之

東枕道有兩石翁仲南北相對

直以慵疎招物議休將文字占時名今

朝不用臨河別垂淚千行便濯纓

再上湘江

次前篇

好在湘江水今朝又上來不知從此去更遣幾時回

清水驛叢竹天水趙云余手種一十二莖

別本附次善謹

驛詩後元和十年北還道中作  
襄陽從事即趙公也名字不詳

簷下疎篁十二莖襄陽從事寄幽情祇應更使伶倫見

寫盡雌雄雙鳳鳴

伶倫樂師也黃帝使伶倫取嶠谷之竹斷兩節而吹之為黃鍾之宮

長沙驛前南樓感舊

自注云昔與德公別於此元和十年赴柳州道中作

海鶴一為別存亡三十秋今來數行淚獨上驛南樓

桂州北望秦驛手開竹徑至釣磯留待徐容州

舊史

元和十年以長安令徐俊為容管經略使徐容州即俊也公是年三月出為柳州而徐之除在

公之後故公先至桂州留詩以待之

幽逕為誰開美人城北來王程倘餘暇一上子陵臺

後漢

嚴光字子陵隱於釣後人名其釣處為嚴陵瀨焉

登柳州城樓寄漳汀封連四州

永貞元年公與韓泰韓暉劉禹錫陳

諫凌準程異韋執誼皆以附王叔文貶號八司馬凌準執誼皆卒貶所异先用餘四人元和十

年與公皆例召至京師又皆出為刺史公為柳州泰為漳州暉為汀州禹錫為連州諫為封州

公六月到柳此詩是年夏所寄也

城上高樓接大荒海天愁思正茫茫驚風亂颭芙蓉水

颭職  
疾切

密雨斜侵薜荔牆

楚詞貫薜荔之落藥王逸云薜荔香草也緣木而生薜蒲計切

嶺樹重遮千里目江流曲似九迴腸

司馬遷報任少卿書云腸一夕而九

迴共來百越文身地

越世家文身斷髮被草萊而邑焉

猶自音書滯一

鄉

柳州寄丈人周韶州

與下登峨山詩寄盧衡州詩一云秋水一云秋日一云秋

霧皆元和十一年秋也

越絕孤城千萬峰空齋不語坐高春印文生綠經旬合

硯匣留塵盡日封梅嶺寒烟藏翡翠挂江秋水露鰓鱗

鰓鱗愚容切鰓音庸魚名

丈人本自忘機事為想年來顛顚客

登柳州峨山

一作岷山

荒山秋日午獨步意悠悠如何望鄉處西北是融州

柳州

北接融州也

得盧衡州書因以詩寄

臨蒸且莫歎炎方為報秋來雁幾行林邑東迴山似戟

牂柯南下水如湯

林邑牂柯皆西南蠻夷地

蒹葭淅瀝含秋霧橘柚

玲瓏透夕陽非是白蘋洲畔客還將遠意問瀟湘

南史柳渾

為吳興太守嘗為江南曲云汀洲采白蘋日落江南春



答劉連州邦字

詩猶紀其經途之意  
蓋初到柳州時作

連壁本難雙

連壁注於此卷  
第一詩中矣

分符刺小邦

分符亦  
見上注崩雲

下灘水

灘水出  
零陵

劈箭上潯江

柳州治  
在潯江北

負弩啼寒狄鳴

桴警夜犹

桴音膚擊鼓也  
犹音尤犬多毛也

遙憐郡山好謝守但臨憲

指謝安石也謝安  
石嘗為吳興太守

嶺南江行

元和十  
年秋作

瘴江南去入雲烟望盡黃茆是海邊山腹雨晴添象跡

潭心日暖長蛟涎射工巧伺遊人影

博物志江南有射  
工蟲長一二寸口

中有弩形氣射人不治則殺人毛詩為鬼為蜮陸機疏云蜮一名射影南人將入水先以瓦石投水中令水濁然後入又春秋莊公十八年有蜮疏云含沙射人影也 颶母偏驚旅客船嶺表志云南海秋風雲物有暈如虹者謂之颶母必有颶風嶺南錄異記云嶺嶠夏秋雄風曰颶發日午至夜半止什屋僅樹一歲再三颶音貝又其遇切 從此憂來無一事豈容華

# 髮待流年

柳州峒氓

元和十二年正月作

郡城南下接通津異服殊音不可親青箬裹鹽歸峒客

箬而灼反說文楚人謂竹皮曰箬峒音洞山穴也

綠荷包飯趁虛人

嶺南謂村市為虛蓋

市之在有人則滿無人則虛而嶺南村市滿時  
少虛時多故謂之虛不亦宜乎出青箱紀錄  
鵝毛禦

鴈逢山蜀

音計織毛也

雞骨占年拜水神

漢書郊祀志粵祠雞卜自此始李奇

曰持雞骨卜如鼠卜愁向公庭問重譯欲投章甫作文身

前漢紀越裳氏

重譯獻白雉儒行孔子居魯冠章甫之冠莊子宋人資章甫而適越越人斷髮文身無所用之

訓徐二中丞普寧郡內池館即事見寄

徐中丞即前望泰驛

詩云徐容州者也按地里志容州普寧郡防禦經畧而徐改為容管經略當是俊無疑然此題云中丞考之史不載也

鴈鴻念舊行虛館對芳塘落日明朱檻繁花照羽觴泉

歸滄海近樹入楚山長榮賤俱為累相期在故鄉

訓賈鵬山人郡內新栽松寓興見贈二首

柳州作元和十

年冬也

芳朽自為別無心乃元功天天日放花榮耀將安窮青

松遺澗底擢蒔茲庭中

蒔時吏切別種也

積雪表明秀寒花助

蕊龍幽貞夙有慕

顏延之詩幼壯困孤介末暮謝幽貞謂幽靜貞吉之道也

持以延

清風

無能常閉閣偶以靜得名奇姿來遠山忽似人家生勁

色不改芳舊心與誰榮喧卑豈所安任物非我情清韻  
動竽瑟諧此風中聲

種柳戲題

柳州柳刺史種柳柳江邊談笑為故事推移成昔年垂  
陰當覆地聳榦會參天好作思人樹慙無惠化傳

柳州二月榕葉落盡偶題

元和十一年二月也

宦情羈思共棲棲春半如秋意轉迷山城遇雨百花盡  
榕葉滿庭鶯亂啼

浩初上人見貽絕句欲登仙人山因以酬之

仙人在山在

柳州前有與浩初同看山詩此當次其後

珠樹玲瓏隔翠微

珠樹見下海石榴詩注

病來方外事多違仙山

不屬分符客

分符見上第一首詩注

一任凌空錫杖飛

雨中贈仙人山賈山人

即前賈鵬也元和十一年冬作

寒江夜雨聲潺潺曉雲遮盡仙人山遙知玄豹在深處

南山有玄豹隱霧雨而十日不下食

下笑羈絆泥塗間

別舍弟宗一

公之從兄弟見於集者有宗一宗玄宗直其世系皆不可詳詩云萬死投

荒十二年自永貞元年乙酉至元和十一年丙申也詩是年春作

零落殘魂倍黯然雙垂別淚越江邊一身去國六千里  
萬死投荒十二年桂嶺瘴來雲似墨洞庭春盡水如天  
欲知此後相思夢長在荆門郢樹烟

奉和周二十二丈酬郴州侍郎衡江夜泊得韶州  
書并附當州生黃茶一封率然成篇代意之作

郴州侍郎楊於陵也韶州疑即周韶州詩名字  
亦不詳據於陵貶在元和十一年此詩當十二  
年夏秋作也

丘山仰德耀天路下征騑夢喜三刀近

王濬為廣漢太守夜夢三刀懸

於卧室梁上李穀曰三刀為州字

書嫌五載違凝情江月落屬思嶺雲

飛會入司徒府還邀周掾歸

殷賢戲批書後寄劉連州并示孟崙二童

自注云吾家有

右軍書每紙背庾翼題云王會稽六紙二月三十日嘗觀因詒錄云柳柳州書後生多師效就中尤長於章草為時所寶湖湘以南童穉悉學其書頗有能者以此詩觀之蓋有之矣公與夢得聞問最數殷賢戲題其書後故舉庾翼之事為寄蓋劉家子弟當有學其書者孟崙二童必夢得之子殷賢不詳當亦夢得家子弟耶下有相酬贈七詩皆當繼此篇在元和十一年作



書成欲寄庾安西紙背應勞手自題聞道近來諸子弟

臨池尋已厭家雞

張芝臨池學書池水盡墨南齊王僧虔論書云庾征西翼書少時與右軍

齊名復庾猶不分在荊州與都下書云小兒輩乃賤家雞皆學逸少書須吾還叱之首尾皆用庾翼王羲之事

劉家子弟必有學其書者矣

銅魚使赴都寄親友

自注云嶺南支郡無綱官考典帳典等悉附都府至京在

柳時作也

行盡關山萬里餘到時間里是荒墟附庸惟有銅魚使

禮記王制注附庸小城也附庸者以國事附於大國唐武德初改太守為刺史加號為使持節而實無節但頒

銅魚符 此後無因寄遠書

韓漳州書報徹上人亡因寄二絕

漳州韓睦也徹靈徹也字元澄

劉夢得嘗為其文集序紀其行迹甚詳元和十一年終於宣州詩是時作

早歲京華聽越吟

史記莊舄越人也為楚執珪病而尚越吟劉夢得序靈徹會稽人好篇章

從越客維

學為詩 聞君江海分逾深他時若寫蘭亭會莫畫高

僧支道林

王羲之嘗與桑門支遁游蘭亭修禊遁亦與焉故後人寫修禊圖遁亦在其列道林遁之

字也

頻把瓊書出袖中獨吟遺句立秋風桂江日夜流千里

揮淚何時到甬東

甬東地名在越

訓家難之贈

劉禹錫

日日臨池弄小雛還思寫論付官奴

褚遂良撰王右軍書目正書五卷第

一樂毅論四十四行書賜官奴又行書五十八卷其第十九有與官奴小女書官奴蓋羲之女也是時柳未有

子故夢得以此戲之

柳家新樣元和脚

指柳公權也公權在元和間書有名

且盡薑

芽斂手徒

重贈二首

此公答前劉禹錫所訓也

聞說將雛向墨池劉家還有異同詞如今試遣隈牆問

已道世人那得知

謝安問王獻之曰君書何如君家尊答曰人那得知

世人悠悠不識真薑芽盡是捧心人

莊子西施病心而顰其里其里之醜

見而美之歸亦捧心而顰其里里之富人見之堅閉門而不出

若道柳家無子弟往年

何事乞西賓

答前篇

此夢得答公前詩也

小兒弄筆不能噴浣壁書憲且賞懃

羲之為會稽子敬七八歲羲之從後

掣其筆不脫歎曰此兒書後當有大名子敬出戲見北館新白土壁白淨子敬取帚沾泥汁書方丈一字觀者

如堵浣壁事本此

聞彼夢熊猶未兆女中誰是衛夫人

詩云言夢維何

維熊維羆男子之祥衛夫人名鏐字茂猗諱書尤善右  
軍少嘗師之在法書入妙品按柳子厚墓誌云子厚有  
子男二人長曰周六始四歲蓋生於元和十一年詩作  
於周六未生時柳未有子故夢得又戲之以衛夫人也

### 答後篇

昔日慵工記姓名

項籍少時學書不成季父梁怒之籍曰書足以記姓名而已

遠勞

辛苦寫西京近來漸有臨池興為報元常欲抗行

王右軍云

吾書比之鍾張當抗行或謂過之元常鍾繇字也臨池見上注

疊前

公又答夢得前所答二詩也

小學新翻墨沼波美君瓊樹散枝柯左家弄玉惟嬌女

空覺庭前鳥跡多

蒼頡觀鳥跡因而遂滋則謂之字詩謂小女學書其紙散落庭中覺鳥跡

之多也

### 疊後

事業無成恥藝成

禮記德成而上藝成而下

南宮起草舊連名

公與夢得

嘗同為禮部員外郎勸君火急添功用趁取當時二妙聲

晉衛瓘字伯玉

索靖幼安俱能書為尚書郎時號一臺二妙

柳州城西北隅種甘樹

詩云春來新葉遍城隅當元和十三年春也

手種黃甘二百株春來新葉遍城隅方同楚客憐皇樹

楚詞惜往日章后皇嘉樹橘來服兮王逸云言皇天后  
土生美橘樹異於衆木來服習南土便其性也屈原自  
喻才德如橘樹不學荊州利木奴裏陽記曰李叔平臨  
終勅其子曰龍陽洲

亦異於衆也  
裏有千頭木奴及廿  
橘歲得絹數千匹幾歲開花聞噴雪何人摘實見垂

珠若教坐待成名日滋味還堪養老夫

聞徹上人亡寄侍郎楊丈

楊侍郎於陵也時在柳  
州前有韓漳州報徹上

人亡詩當  
次其後

東越高僧還姓湯

宋桑門惠休姓湯氏善於為詩嘗與  
謝靈運鮑昭之徒游靈徹亦姓湯故

云幾時瓊佩觸鳴鐺空花一散不知處誰采金英與侍

郎

段九秀才處見亡友呂衡州書迹

呂衡州溫也集有呂衡州誄云

元和六年八月卒段九秀才弘古也呂衡州集亦有贈段九秀才詩公集又有祭段宏古文及墓誌亦云與呂溫游然弘古亦卒於元和九年則詩之作當元和七八年間也公時在永州

交侶平生意最親  
衡陽往事似分身  
袖中忽見三行字  
拭淚相看是故人

柳州寄京中親故

元和十三年秋作  
龍城柳州郡名

林邑山聯瘴海秋  
牂柯水向郡前流  
勞君遠問龍城地



正北三千到錦州

再授連州至衡陽訓贈別

夢得

公前有衡陽與  
夢得分路贈別

詩此夢得訓之也下  
贈答四詩皆同時

去國十年同赴召渡湘千里又分岐重臨事異黃丞相

黃霸為潁川太守後徵守京兆尹又以罪貶秩復為潁  
川太守夢得初貶連州司馬此又出刺連州故曰重臨

三黜名慙柳士師

柳下惠為魯士  
師三黜見論語

歸目併隨回雁盡愁

腸正遇斷猿時桂江東過連山下相望長吟有所思

重別夢得

二十年來萬事同今朝岐路忽西東  
皇恩若許歸田去晚歲當為鄰舍翁

答

夢得

弱冠同懷長者憂臨岐回想盡悠悠  
耦耕若便遺身世黃髮相看萬事休

三贈

信書成自誤經事漸知非  
今日臨岐別何年待汝歸

答

夢得

年方伯玉早恨比四愁多

張衡出為河間相鬱鬱不得志為四愁詩

會待休

車騎相隨出爵羅

種木榦花

龍城柳州郡名在柳作也

上苑年年占物華飄零今日在天涯祇應長作龍城寺

剌種庭前木榦花

摘櫻桃贈元居士時在望仙亭南樓與朱道士同

處

海上朱櫻贈所思樓居況是望仙時蓬萊羽客如相訪

不是偷桃一小兒

漢武帝內傳帝好長生七夕西王母降其宮有頃索七桃以四枚與帝自

食三枚云此桃三千年一實時東方朔從殿東箱朱鳥牖中窺母母謂帝曰此窺牖兒嘗三來偷吾此桃者

訓曹侍郎過象縣見寄

象縣柳州縣也曹侍郎不詳其名元和十四年春作

破額山前碧玉流  
騷人遙駐木蘭舟  
春風無限瀟湘憶

欲採蘋花不自由

柳河東集卷四十二